

宋

會

要

全唐文

起太祖建隆元年訖高宗紹興二年

宋會要宋量

松樓玉海作
丙午十九日

太祖建隆元年八月有司請造新量衡以攷天下履之

松樓玉海作丙申

開寶四年七月廣南轉運使王明奏廣南諸州舊使大

乾德元年七月戊午做于潭潭等

不據詔下氣
有脫字

斛受納斛斗以官斛較量每石多八十詔平遠俗方示

寬恩既混一於車書宜均同于度量自今所納稅物並

用官斛每石只納一石二升內以二升與倉書充費鼠

松樓玉海作庚午

耗太宗太平興國二年七月十一日詔權衡之設厥

有常制出納之各謂之有司僅求羨餘必恣培克苟視

成而不戒將謂守財之道焉應左藏庫及諸庫所受諸

第一條
綿

州上供金銀絲帛及他物監臨官當謹視秤者無得欺

垂

松按玉海
引寶鑑
作捶

二十斤
玉海作
十五斤

式一或

而多取俾上計吏受其弊是今敢有欺度量而取餘羨其秤者及守藏吏皆斬監臨官亦重致其罪先是諸州吏護送官物于京師藏吏卒垂鈎為奸故外州吏多負官物至於破產不能償太宗知其故事下詔禁之淳化三年正月三詔書登協時月正日同律度量衡所以建國經而立民極也國家底慎財賦較量耗登既府庫之充盈須權衡之平允如聞秬黍之制或差毫釐垂鈎為奸害及黎猷宜令詳定秤法看為通規既而監內藏庫崇儀使劉蒙正劉承珪言太府寺舊銅式自一錢至一十斤凡五十一輕重無準外府歲受黃金必自毫釐計之式自錢始則傷於重遂尋究本末別製法物至景德中

承珪重加參定而權衡之制益為精脩其法蓋取漢志
子穀秬黍為則廣十黍以為寸從其大樂之尺秬黍黑
黍也黍尺自黃鐘之管而生也謂以秬黍中者為分寸
輕重之制也就成二術二術謂以尺黍而求釐因度
尺而求釐度者丈尺之總名謂因黍尺之源起於黍而
成寸寸折寸為分折分為釐折釐為毫折毫為絲折絲
為忽則十忽為絲十絲為毫十毫為釐十釐為分十分
為寸十寸為尺十尺為丈自積黍而取釐從積黍而取
釐則十釐為絲二十四絲為兩釐絲皆銅為之以釐釐
造一錢半及一兩等二秤各懸三毫以星準之等一錢
半者以取一秤之法其衡合樂尺一尺二寸重一錢

重六分盤重五分初毫星準半錢至稍提一錢半折成十五分分列十釐第一毫等半錢當五十釐若十五斤秤等五斤也

中毫至稍一錢折成十分列十釐末毫至稍半錢折成五分列十釐等一兩者亦為一秤之則其衡合準尺一尺四寸重一錢半錘重六錢盤重四錢初毫至稍布二十四銖銖下別出一星星等五糸每銖之下復出星星等五糸則四十八星等二百四十糸計二十四百糸為一兩中毫至稍五錢布十二銖列五星等二糸布十二銖為五錢之數則一銖等十糸都等一百二十糸為半兩末毫稍六銖列十星等一糸每星等一糸都等六十糸為二錢半以御書真草行三體

淳化錢較定實重二銖四釐為一錢者以二千四百得
十有五斤為神之則其法初以積黍為準然後以分而
推忽為定數之端故自忽絲毫釐黍釐各定一錢之
則謂皆定一錢之則然後制取等秤也 忽萬為分以一
萬忽為一分則以十萬忽定為一錢之用忽者吐絲為
忽分者魯拾微而著言可分別也 絲則千 一千絲為一
分一萬絲定為一錢之則 毫則伯 一百毫為一分以千
毫定為一錢之則毫者毫毛也 忽絲毫三者皆斷驥
尾為之釐則十一十釐為一分以一百釐定為一錢之
則釐者聲牛尾毛也 毫未金成絲以為之轉以十倍
倍之則為一錢 轉以十倍謂以十萬忽至十萬忽之類

定為則也。泰以二千四百枚為兩，一兩容千二百泰為
十二銖，則以二千四百泰定為一兩之則。兩者兩兩為
兩也。泰以二百四十謂二百四十泰定為一兩之則，銖
以二十四轉相因，或十泰為銖，則以二百四十泰定為
二十四銖為一兩之則。銖者言蘇異也。遂成其秤：合
泰數則一錢半者計三百六十泰之重，列為五分，則每
分計二十四泰。又每分折為一十釐，則每釐計二泰十
分泰之四。以十釐分二十四泰，則每釐先得二泰餘四
泰都成四十分，則一釐又得四分。是每釐得二泰十分
泰之四。每四毫一絲六忽有差，為一泰。則釐泰之數極
矣。一兩者合二十四銖為二千四百泰之重，每分百泰。

為銖十黍為綮二銖四綮為錢二綮四黍為分一綮二
黍重五釐六黍重二釐五毫三黍重一釐二毫五絲則
黍綮之數成矣其則用銅而錢文以識其輕重新法既
成詔以新式留禁中取太府_舊秤四十_舊式六十以新
式較之乃見_舊式所謂一斤而輕者有十謂五斤而重
者有一式既若是_舊衡可知矣又比用大秤如百斤皆
垂鈎於架植鏐於衡鏐或偃仆手或抑按則輕重之際
殊為違絕至是更鑄新式悉由黍綮而齊其斤石不可
得而增損也又_今每用大秤為顯以絲繩既置其物則
却立以視不可得而抑按復鑄銅式以御書淳化三體
錢二千四百暨新式三十有三銅牌二十授于太府又

置新式於內府外府復頒於四方凡有十有一副詔三
司使重校定以御書淳化三體錢二千四百磨令與開
元通寶錢輕重等有司先是守藏吏受下歲輸金幣而太
府權衡式失準得因之為奸故諸道主者坐逋負而
破產者甚衆又守藏更代有校計爭訟動必數載至是
新制既定奸弊無所措中外以為便真宗景德二年八
月詔劉承珪所定權衡法附編勅而頒下四年五月
劉承珪言先監內藏庫日受納諸道州府軍監上供金
銀凡係秤盤例皆少剩蓋由定秤差異是致有害公私
嘗以聞奏尋令較量秤則自端拱元年起首至淳化三
年功畢遂詔別鑄法物付太府寺頒行其重定秤法皆

後九頁景祐
二年一條移神
宗熙寧前

上稟睿謨兼參以古法顯依據永恩弊欺切慮言之無
文行之不逮今請知制誥趙安仁撰成序一首繕寫以
聞乞^付降所司以備檢閱從之 大中祥符二年五月

三司請下太府寺造一斤及五斤秤便市肆使用從之

六年四月劉承珪言先奉詔旨以天下权衡之法不
一令詳定及^刊斷石為記請令^司檢會諸道有銅^錫法物

州郡并在京庫務各賜石記一本從之 神宗熙寧四

年十二月十一日詔以太府寺所管斗秤歸文思院

哲宗紹聖四年十一月十六日戶部言輒增損衡量若

私造賣者各杖一百徇于市三日許人告每人賞錢有

差令轉運司所在置局製造送所在商稅務^帶膏 徽

宋大觀四年二月九日議禮局劄子臣等伏覩陛下度律均鍾更造雅樂施之天下為萬世法至於禮器尚仍舊制未聞有所改作禮樂有國之大本而其末起於度數度数得則權量正法度一而民不疑今礼樂異制不相取法非所以一民也臣等欲乞明詔有司取新定樂律之度審校礼器有不合者悉行改正以副制作之意詔律度量衡先王之制不相襲而歷代亦不同今以身為度起律作樂則於礼制宜依所奏 四月十一日翰林學士張瓘等奏更制新尺既已用而未施之四方欲乞將指尺頒降天下其應于長短闊狹之數並依舊其有不同者以今尺計定即于公私別無增損詔令工部

依樣先造一千條取旨頒降少府監奏上件樂尺一千
尺內一百條烏木花星餘一百條紫荆木并依樣製造
未審如頒降各若干付是何去處詔烏木花星尺一百
條進納餘尺頒賜在京侍從官以上及有司庫務外路
諸司及有庫監各一條仍令所屬依樣製造行用如無
紫荆木以別木代之二十四日朝奉郎試給事中蔡薊
奏臣聞虞舜五載一巡狩則必同律度量衡成王制禮
作樂頒度量而天下大服然則度量權衡之致謹者聖
人所以行四方之政也恭惟陛下與神為謀以身為度
因帝指之尺以起鍾律之制奏之郊廟八音克諧而天
地之和應矣臣尚願頒指尺於天下以同五度五量五

權之法區：之愚以今日所用度之長短知量之多寡
權之輕重非將有所增損也特因仍其舊悉使考協于
新尺之度數而定為永法備成一代之典昭示無窮乞
詔有司討論施行詔依令議礼局討論申尚書省 政
和元年五月六日尚書省言已造樂尺頒賜在京侍從官
以上及官司庫務外路諸司州府軍監欲令諸路轉運
司依樣製造降付管下諸州遂州製造分給屬縣自今
年七月一日為始舊尺並毀棄從之 二年八月十九
日工部尚書兼詳定重修勅令權開封尹李孝偁等奏
契勘度量權衡出於一體舊條以積累為數修立成文
今來大晟樂尺係以帝指為數昨已奉聖旨頒行天下

其量權衡雖據大晟府稱皆出於度緣至今未曾頒用
本所欲擬舊條修立即度數權衡不出于一欲依樂尺
修立又緣既未頒行未敢立法欲乞詳酌先將量權衡
之式頒之天下仍降付本所以憑遵依修立成條詔量
權衡以大晟府尺為度餘依奏 九月十三日工部尚
書無詳定^{重修}權衡勅令權開封尹李孝偁奏看詳度量權
衡出於一體內度雖已得旨頒大晟新尺行用緣依政
和元年四月十二日勅應于長短廣狹之數並無增損
其諸條內尺寸止合依上條用大晟新尺紐定謂如帛
長四十二尺濶二尺五分為疋以新尺計長四十二尺
七寸五分濶二尺一寸三分五釐之五為疋即是一尺

後一作係

四分一釐三分釐之二為一尺又扣天武等杖五尺八
分以新尺計一尺四分一釐三分釐之二之類如得允
當欲作申明隨勅行下即不銷逐條展計外有度量衡
今候頒到新式續具修定從之三年十月二十一日
提舉荆湖北路常平張動奏竊見諸路皆於會府作院
製造等秤給付州縣出賣往來輕重不等欲望責在諸
路漕臣常切檢察須管依法式製造無令有輕重之異
奉聖旨令尚書省措置勘會民間所用斗升秤等尺依
條後諸路轉運司於所在州置務製造送諸路出賣
除留功料之直外以五分以上供餘給本司并近降朝旨
依尺製造新尺頒降諸路依樣造新尺出賣其旧尺更

不行用及斗秤升等子亦有朝旨令文思院依新尺樣製并依見行法式製造在京并府界諸縣合出賣之數所有外路只降樣前去仍令多數製出賣造訪聞所屬並不遵依條令及所承朝旨廣行製造出賣其餘官司往往未曾依新樣製換易及民間見用斗升秤尺等子多是私造私用與旧官造法物混雜行使無以分別并自頒降新法樣製後來未聞有出賣之數不唯于度量權衡樣製不一兼於出賣價錢暗有虧失欲令文思院諸路轉運司各自今來指揮到日立便約度依元降朝旨合造斗秤等數目限一季廣行製造除官司應用之數自合給換外依條分送所屬出賣應副民間使用應

旧有斛升秤尺等並限半年盡數首納不得隱留如出
限許人告首除犯人依條斷罪外每名支賞錢二十貫
仍先具措置施行次第申尚書省詔並依 四年九月
二十六日文思院下界奏契勘本院見奉行聖旨指揮
別置斛秤一作除已申到乞收造斛秤行人和雇造等
畫一遵依施行外今續條具到下項一契勘新法斛秤
見依朝旨限一季廣行製造降樣付諸路轉運司及商
稅院出賣今來即未有行使期限欲乞在京及外路並
自政和五年正月一日奉行一契勘鐵錫法物並合改
造頒降在京官司及天下州軍今來萬數浩大即難以
齊寫造較定應副今欲乞先次料造法物一百副除在

京緊切給納庫務逐急製造交付外其餘官司及諸路
州軍並許令將見在旧法物赴院送納請換兌支新法
物行使所有今來先造一百副合用銅數于本院刻帳
管般銅並無見在委是見闕乞下戶部計置應副一契
勘新造斛秤朝旨降樣付諸路轉運司製造出賣所有
造到斗秤合用團條火印亦合降給今欲寫造火印三
百副逐旋頒降付諸路轉運司從之 五年二月三日
少府監言文思院下界造新降權衡度量今承朝旨權
住製造竊慮合且依旧樣製造送商稅院出賣候降到
許造新樣即行住罷又奉詔限一月製造皇太子出閣
合用秤及賜食院合造斛秤續承降到大晟新法斛秤

子一作付

製造頒降間承尚書省劄子權衡度量權住製造即無
却行製造太府寺斛秤之文是造教作前項緊急生活應
副未得乞下院且依太府法製造詔並依左依旧製造餘
依宣和七年十二月十三日尚書省言在司員外郎閻
孝悅奏臣聞嘉量之制具在方冊而愚民無知趨利
冒禁奸弊百出自為高下至于割移規模增加裝具害
法蠹民莫此為甚欲望聖慈明詔上方鑄銅為式頒之
天下以正私偽庶使童子適市莫之敢欺以比隆二帝
三王之盛豈不韙欤尚書省措置參酌擬修下條諸增減
斛升秤尺等若私造私用及販賣者各杖一百增減私
造仍五百里編管私用及販賣並令衆三日以上許人

告巡察人知而不糾杖八十告獲斛升秤等尺私用及

販賣增減錢三貫若私造錢五十貫從之高宗紹興元年四

十三日詔工部官一員將省倉見使升斛令文思院重

別較定訖降樣下諸州官司行使二年二月七日詔

權貨務取省倉見用官斛依樣製造一百隻赴戶部頒

降諸不得別置私量行使先是省倉斛斛增大於諸路

而州郡暨量差小於省倉出納之際例各折閱綱官等

有負欠繫獄破家竭產之苦至是倉部負外郎成大亨

有請故降是詔十月二十九日詔戶部支錢五百貫

令文思院依臨安府秤斛務造成省樣升斛秤尺等子

依條出賣其錢循還作本仍先次製造樣制法則頒降

諸路漕司依式製造分給州縣貨易行使其民間見行
使私置升斛秤尺等子候官中出賣日並行禁止如或
違犯並依條施行 四年三月二十五日兩浙運判孫
逸言乞下文思院於見出賣斛內那撥工料製造斛樣
一百五十隻給降付兩浙轉運司分給州縣行使仍將
不堪斛從本司毀棄從之 七年三月十九日詔文思
院依省樣製造五斛斛頒降諸路轉運司并行在倉場
各一隻其本路州軍令轉運司樣製造降下所轄州軍
縣鎮及應給納官司行使以倉場交納之契從臣僚請
也 十六年十一月十日詔兩浙轉運司昨緣措置經
界令遂州軍出賣升斛秤尺今多是州縣科抑或令人

轉一作傳

戶白納顯屬搔擾如有見今白納數目仰日下蠲放其
未青數如情願並不得依前科抑如違許人越訴 二
十二年二月二十七日右承議郎利州西路安撫使司
主管書寫機宜文字吳援言商賈細民私置秤斛州縣雖
有著令然私相轉用習以為常至有百里之間輕重多
寡不同望下有司申嚴法令置造刊鑄字號量立價錢
許人請買非官給者重行責罰從之 二十五年四月
四日詔令文思院製造一担石斛較定明用火印工部頒
降諸路轉運司依省降樣製造用印付所轄府州軍監
縣鎮受納行使如有違戾按劾施行從知蘄州高世史
請也 紹興三十二年七月二十三日 孝宗即位未改元

戶部檢坐紹興二十九年十一月二十四日已降下指揮

造百合斛行下不得用鄉原體例仍曉諭州縣先是秀

州嘉興縣民沈彥章等進狀伏覲紹興二十九年十一

月二十四日已降指揮諸州縣應干租斛止於百合如

過百合以上並赴所屬毀棄佃戶租契並仰仍舊不得

擅自增加租課又蒙委臨安府置局做造百合斛官雕

印記出賣并給與買斛人戶今檢坐紹興府式或有私

造升斛增減者賞錢五十貫杖一百斷罪上件指揮於

民間實為良法今來有產之家與糶米牙人妄稱已降

官斛止係臨安府使用竊詳元降指揮用百合官斛緣

為豪民私造大斗交量租米侵害小民所以臣僚上言

脩知紹興府會稽縣陸之望陳請百合租斛事理再行
敷奏製造衝改戶部勘當因依不許用鄉原私弊偽造
大斛交量租課自後亦不曾有指揮令用省斛折還今
來農田人戶被豪家輒用省斛準折租
米被害非輕致有流移失所伏望特降睿旨禁止省斛
多折交量人戶并糶糴米牙人遵依施行故有是詔
九月二十八日戶部言臣僚劄子契勘民間田租各有
鄉原等則不同有以八十合九十合為斛者有以百五
十合至百九十合為斛者蓋地有肥瘠之異故租之多
寡賦之輕重價之低昂係焉此經久不可易者也昨因
陸之望挾偏見之私乞以百合斛從官給賣凡佃戶納

租每畝不得過一石每斗不得過百合雖多至百九十
合亦盡行鑄減戶部及州縣亦知其不可行尋即報罷
近有司用前指揮再行陳乞戶部復勘舉行下殊不知
民間買田之初必計知定價若用百九十合為斗者其
價必倍官雖重稅業主自皆樂輸斗器雖大佃戶亦安
受而不辭今一旦無故損去其半而二稅物力和買後
錢之類如初若中人之產量入以為出者是卒歲之計
奪其半矣今乞行下州縣各隨鄉原元立規例每斗以
百合為之等則如元約以百九十合為斗即每畝作一
石九斗元約以八十合為斗即每畝作八斗之類將陸
之望所乞更不施行及改正戶部鑄板行下指揮實經

久可行之例下部看詳本部欲依今來所乞各隨鄉原
元立文約租數及久來鄉原所用斛器數目交量更不
增減如租戶不伏許令退佃所有陸之望申請并今年
七月二十三日用百合斛交量指揮更不施行其官司
已賣百^合斛毋更不行使令戶部日下錢板行下自今降
指揮日為始仍於鄉村曉諭詔從之

宋高宗口永樂大典卷五千二百一十三又八百六十六百三十三

此德祐上卷
中祥符六
年及神宗
熙寧四年
前

全唐文

景祐權量律度式 玉海

會要景祐二年五月二十五日李照上造成今古權量
律度式凡新尺律龠合升斗秤共七物尺準太府寺尺
以起分寸為方龠廣九分長一寸高七分積六百三十
分其黃鍾律管橫實七分高實九十分亦計六百三十
分樂合方寸四分高一寸樂升廣二寸八分長三寸高
二寸七分樂斗廣六寸長七寸高五寸四分總計三百
六十方龠以應乾坤二策之數樂秤以一合水之重為
一兩一升水之重為一斤一斗水之重為一秤又造漢
書升合二枚周禮升豆二枚臣以新律龠合升斗比校

松栢此條見
王應麟玉
函大曲引
今附錄以
備參攷後
倣此

周漢舊制今欲以塗金熟銅鑄造新定律龠合升斗及
別以木造周漢升合豆升四等以備聖覽從之照以太
府尺寸為本作量法木式四等而所容受不合累黍之
數又以太府尺寸作周漢量法木式各二寸欲通已說
亦不能合且漢志云合龠為合謂二十而照誤云十龠
識者譏之錢希白南先是二月照請依神贊律法鑄
編鍾一虞使度量權衡協和四月丁巳詔製玉律請取
秬黍葭莩照累黍尺成律鑄鍾審之其聲猶高更用太
府布帛尺為法下太常四律人自為律管之法以九十
黍之量為二十四百二十星之而十二管定法又鑄銅為
龠合升斗四物率三百三十五黍為黃鍾之容合三倍於

政和以下
條本書
詳刪

龠升十三倍於合斗十倍於升既改造定法又鑄之容
受差大更增六龠為合十合為升十升為斗銘曰樂斗
及潞州上柜泰擇大泰縱索之以考長短尺成與太府
尺合法愈堅定政和二年八月詔量權衡以大晟樂尺
為度三年十月令文思院下界造新權衡度量紹興元
年四月十三日詔工部以省倉升斗令文思院校定盼
其式于諸州二年二月七日命權務製百隻頒諸路禁
用私量十月二十九日令文思院造升斗秤尺衡之

宋會要 版籍

起太祖建隆四年詔軍宗嘉寧四年

太祖建隆四年十月詔曰蕭何入關先收圖籍沈約為吏手寫簿書此官人所以周知其衆寡也如聞向來州縣科都無帳歷自今諸州委本州判官錄事叅軍點檢逐縣如官元無版歷及百姓無戶帖戶抄處便仰置造即不得煩擾人戶令佐得替日交割批歷叅選日銓曹點檢

太宗至道元年六月詔天下新舊逃戶檢覆招携及歸業承佃戶稅物文帳宜令三司自今後畫時點檢定奪合收合開合閣稅數聞奏若覆檢鹵莽當行勘逐仍令三司將覆檢文帳上歷管係於判使廳置庫架閣準備

取索照證如有散失其本部使副判官必重行朝典干
係人吏決停 真宗景德二年五月三司度支判官黃
世長請令三司每歲較天下稅帳耗登以聞從之 八
年詔詔諸州縣按帳抄旁等委當職官吏上厯收錄無
得貸鬻棄毀仍令轉運使察舉犯者官負重寘其罪吏
人決杖配隸時衛州判官王象坐鬻案籍文抄除名為
吏配隸唐州因著條約 天禧二年六月三司言定奪
三部合減省諸州府帳目奏狀一年計八萬八千九百
一十九道約省三十四萬五千二百餘紙其諸路州府
望令轉運使定數白三司三司覆定以聞下詔曰計帳
之繁動盈凡累公家之利無益關防徒事勾稽空糜紙

札比令近侍同令刪除或匪切須並從簡併咨爾在位
宜守親稽勿務滋章致於煩擾其令三司諸路並依新
減數目不得擅有增益先是上封者言諸州帳籍繁
而非用紙筆所費或至掊歛望省其數是歲又詔諸州
自今造帳營房半年一申揀停軍人一年一申職員馬
遞鎮馬帳並一季一申三司使李士衡因言逐年約減
省帳目二分以上在省手分亦合減省遂詔三部官司
議以開禧四年二月京東轉運副使范雍言諸州帳籍
應在不少望自今委轉運司於逐州選官一員專管帳
目磨勘如及一百萬數一年內八分已上並升差遣不
滿百萬一年了者批歷為勞績從之仁宗天聖元年

十一月上封者言天下每遇閏年寫造寔行版籍甚有
搔擾况每歲各有空行版簿拘管催促不至失陷稅賦
乞賜停罷乃下詔曰國家稽禹畫以開疆盡天臨而覆
物崇建至治阜康生民必務簡於科條用益清於政化
乃眷郡縣悉掌簿書既鈐鍵於賦輿亦關防於生齒但
有明制存諸有司其或設之更空文害於有益上靡資
於理本下徒啟於偉門或牧守愛民奏述暫從於停廢
或官司循例因緣寧免於滋彰將杜規求宜削煩擾應
諸州縣凡遇閏年所供寔行版簿今後更不寫供申只
將催科空行版簿逐年磨勘入勾點檢上厯架閣不得
散失 三年七月京西路勸農使言點檢夏秋稅簿多

頭尾不全亦無典押書手姓名甚有指改去處深慮欺
隱失陷稅賦近兗鄆齊濰濮州磨勘出失陷稅賦四萬
三千九百八十四貫匹石看詳欺隱稅數蓋是造簿之
時不將連年版簿對讀割移典賣又不取關帖證對本
州亦不點檢致作弊倖走移稅賦改作麗色亦有貧民
額外移稅在戶下縱有披訴只憑連年簿書無由雪理
今乞候每年寫造夏秋稅簿之時置木條印一雕年分
典押書手姓名令佐押字候寫畢勒典押將版簿及歸
逃簿典賣折居割移稅簿逐一勘同即令佐親寫押字
用印記訖當面毀棄木印其版簿以青布或油紙襯背
津般上州請印本州干繫官吏更切勘會委判官官點

檢每十戶一計處親書勘同押字訖封付本縣勾銷仍於令佐廳置櫃收鑰如違依法施行書手雖經數仍勒充州縣重役令佐不親勘讀以至失陷稅賦雖去官不原事下三司三司檢會農田勅應逐縣夏秋稅版簿並先據本縣元額管納戶口稅物都數次開說見納見逃數及逐村甲名稅數官典勘對送本州請印訖更令本州官勘對朱鑿勘同官典姓名書字結罪勒勾院點勘如無差偽使州印訖付本縣收掌勾銷今請依所乞造置簿印施行從之景祐元年正月十三日中書門下言編勅節文諸州縣造五等丁產簿并丁口帳勒村耆大戶就門抄上人丁慮災傷州縣搔擾人民詔京東京

西河北河東淮南陝府西江南東荆湖北路應係災傷
州軍縣分並權住攢造丁產文簿候豐稔依舊施行
神宗熙寧二年十一月十三日詔今後農田利害據州
縣具到圖簿并所陳事狀並委管勾官與提刑轉運議
差官覆按

四年五月十六日司農寺言乞差府界提點司委官分
諸縣同造五等簿升降人戶如敢將四等已下戶不及
得自來中等已上物力升在三等致人戶被訴其當職
官吏並從違制不用赦降從之 八年正月八日察訪
荆南路常平等事蒲宗孟言近制民以手實上其家之
物產而官為注籍以正百年無用不明之版圖而均齊

料及夏
料官場

以二作之以

其力役此天下之良法也然縣災傷五分已上則不與
焉且留以俟豐歲以臣觀之使民自供手寔無所擾也
何待於豐穰哉願詔有司不以豐凶弛張其法從之呂
惠卿為手寔法奉使者至析秋毫天下病之而宗孟有
此奏既而詔司農寺罷手寔法 元豐元年九月十三
日中書言應諸縣造鄉村坊廓丁產等第簿並錄副本
送州印縫於州院架閣從之 十二月二十一日詔應
造簿路分秋料及夏稅額放及七分以上處權免造並
候次年 十二月九日兩浙路提舉司言浙西民戶富
有物力自浙以東多以田產營生往年造簿山縣常以
稅錢餘處即以物力推排不必齊以一法令欲通以田

各令挨排
各以次數排
平一作一

土物力稅錢苗米之類各令挨排隨便數納役錢所貴
民力所出輕重均平從之 二年四月二十一日知諫
院李定言秀州嘉興崇德兩縣初定役法時以僧舍什
物估直數錢恐非法意下司農寺請下本路改正他路
有類此者令提舉司依此施行從之 哲宗元符元年
二月二日新權提舉廣南西路常平等事盧君佐言京
東河北有山林陂澤盜賊結集乞置籍以記浮名詔戶
部立法以聞 徽宗宣和二年四月二十一日江浙淮
南等路宣撫使童貫奏奉詔措置東南兇賊切詳平賊
之後民事最為急務勘會經賊燒劫州縣圖書散失理
當重造戶口版籍以定將來稅役從之 六年閏三月

高宗皇帝

十六日新差提舉河東路常平等事林積仁言熙豐良法莫大於常平免役而常平免役之政令以戶籍為本戶有五等縣置簿以籍之凡均敷數願錢科差徭役及非泛拋降合行均買者皆以簿為據然詭名挾戶減落價貫在法許告有追賞斷罪刑名欲下諸路常平司以指揮到日遍行曉諭限一季許冒犯人陳首特與改正仍免斷罪追賞限滿不首重寘以法若因人告發而州縣根治滅裂者提舉官按劾以聞從之 光堯皇帝紹興元年二月二十八日臣僚言州縣經兵火處版籍殘缺姦吏並緣為私所存無幾不可鈎考使戶口未寔賦役不均財用莫知所從出今乞嚴勅諸路監司應經兵

火州縣自來所有丁產錢穀簿書皆依法置造如委無舊本許以帳狀及寔可照驗事迹類聚攢成又無即從諸司用干證文字與州縣見存案牘互相點勘以成新書監司以逐州名數開具申尚書本部立為定制所有期限乞從朝廷處分戶部契勘見行下諸路轉司取索供申外如內有曾經兵火去處欲依本官所乞用干照文字互相照勘成書詔依仍限半年 二年三月二十三日詔曰朕於民事未嘗敢緩而守令監司弗之察也訪聞造簿之歲姦賊狼籍民被其苦而又輪差甲頭保長之後公然有備償之說大無謂也可自今後應逃亡死絕詭名挾佃產去稅存之戶不待造簿畫時依法倚

施行
一作
行下

閩檢察推割庶使斯民猶堪給養而不被無藝之橫歛也如違令佐公吏並竄配海島有贓者依去年十二月十四日指揮知通監司隱庇而不舉法者同罪應昨來造簿不公及今後不為畫時依法施行者並許民戶越訴令戶部立法取旨施行 閩四月三日右朝奉郎姚沈言欲乞朝廷行下諸路轉運相度曾被燒劫去處失契書業人許經所屬州縣陳狀本縣行下本保隣人依寔供證即出戶帖付之以為永遠照驗如本保隣人作情弊故意邀阻不為依寔勘會及本縣人吏不即時給戶帖並許人越訴其合干人重寘典憲 八月二十二日詔今後應逃亡死絕詭名田產令戶部立法今修立

下條諸逃亡死絕及詭名挾佃并產去稅存之戶不待
造簿盡時倚閭檢察推割從之 四年四月十六日戶
部言依條每年取會諸路轉運司供撥戶口陞降管額
文帳今據淮南轉運司申緣本路州縣纔方招誘漸有
歸業人戶未敢便行抄劄戶口切慮驚擾復有逃移本
部相度欲自紹興五年為頭從之 五年五月八日諸
路軍事都督行府言諸路收支見在錢物今後分上下
半年縣具數申州州類聚同本州之數申漕司如係常
平茶鹽司并提刑司錢物即依此申所隸置籍本司摠
一路之數作旁通冊開具聞奏付之戶部考察登虧仍
詔守倅今後歲終及替罷並開具管下諸縣并一州收

科
一作料

支見在數目申尚書省其初到任即具截日見在申戶部戶部亦行置籍從之 十月十日尚書省言勘會諸路戶口并合輸夏稅秋稅賦帳狀雖有立定供申條限近來州縣違廢法令不即供申今要見諸路祖額并即今每州并每縣五等人戶各若干逐等人戶各夏秋二科合納稅賦各若干詔令戶部立定體式限一月取會諸路州縣作旁通冊開具申 十二月二十三日詔戶部令州縣遵依已降指揮止以見在簿籍內所管數目出給今來全在州縣官用心措置務要簡便於民不擾早得給付如敢乘此差人下鄉根括勾呼搔擾並當重行停降因而容縱公吏乞取除公吏以枉法論坐罪外

官比公吏減一等仍仰提刑司常切覺察及許人戶詣
本司越訴以都省言州縣尚勒令人戶開具追呼搔
擾故有是詔六年十二月十八日臣寮言州縣推排
人戶於造簿之時宜得其寔若產去稅存者根究受產
之家據數攤理以契內價貫為物力者取見出產之家
苗稅都數叅酌均定則不得而欺矣版籍既明賦役均
當若貧若富各得其所欲望申勅諸路州縣官吏應遇
人戶訴理苗稅物力並依公叅酌推受過割招產去稅
存已有條令仰戶部申嚴行下餘令諸路轉司限十日
一就相度申尚書省七年五月七日比部員外郎薛
徽言欲望明飭有司稽考州縣丁帳覈正文籍死亡生

長以時書落歲終縣以丁之數上州州以縣之數上漕
漕以州之數上之戶部戶部合天下之數上之朝廷殘
破之處計登耗而為之賞罰其重困之由願講明之其
傷殘之法願申嚴之從之 十二年七月十八日戶部
言州縣人戶產業簿依法三年一造坊郭十等鄉村五
等以農隙時當官供通自相排推對舊簿批注陞降今
欲乞行下諸路州縣依平江府等處已降指揮西北流
寓之人候合當造簿年分推排施行從之 十三年九
月一日詔州縣租稅簿籍令轉司降樣行下並真謹書
寫如細小草書從杖一百科罪勒停永不收叙其簿限
一日改正當職官吏失點檢杖八十如有欺弊自依本

法施行 從轉運使李椿年之請也 十六年六月十日權知郴州黃武言人戶典賣推稅詔令戶部立法戶部令修下條諸典賣田宅應推收稅租鄉書手於人戶契書戶部及稅租簿內並親書推收稅租數目并鄉書手姓名稅租簿以朱書令佐書押又諸典賣田宅應推收稅租鄉書手不於人戶契書戶帖及稅租簿內親書推收稅租數目姓名書押令佐者杖一百許人告又諸色人告^{典賣}典賣田宅應推收稅租鄉書手不於人戶契書戶帖及稅租簿內親書推收稅租數目姓名書押令佐者賞錢一十貫從之 十八年四月三十日臣寮言比年以來遷徙之民懷土歸業者衆淮南間如通泰等

州號為就緒州縣欲便於科差排推物力其間歸業未滿三年者與免推排一次從之 二十年九月八日臣寮言四川諸縣推排等第除坊郭營運依舊例外其鄉村人戶家業數內若有營運合依見行條法推排陞降如典賣田產價值欲乞改正只用本色所管稅色物斛依見今州縣哀折則例併細稅錢若於本處或有未便乞令開具的確利害以聞從之 二十一年二月四日詔臨安府見排等第依在京例與免 二十二年二月七日右宣義郎大理評事王彥洪言切見甲令所載三年一造簿書於農隙之時令人戶自相推排蓋欲別貧富陞降等第務從均平此萬世之良法也近來間有縣

令將欲任滿輒促期限或遷延以待後政致有下戶物
產已去而等第猶存欲望申嚴法禁於農隙推排之時
不得妄有展促期限以杜貪墨慵懦之弊如或違戾令
監司郡守按劾以聞從之 五月八日前知池州陳湯
求言乞今後州縣不得將船水車應干農具增為家力
其賣買交易許免收稅如官司輒敢巧作名目暗排家
力及抑納稅錢者許人戶越訴專委提舉常平司糾察
官吏重寘以法從之 二十四年三月二十五日大理
評事劉敏求言乞令有司申嚴法禁俾諸州依條限印
給稅租簿仍鈴束人吏乞取之弊如有違戾重寘于法
上因宣諭法令固在如官吏奉行不虔雖申明行下終

亦無益為知州者須更歷民事通曉利病者為之因命
監司以時檢察有不如令按劾以聞 二十六年二月
二十二日新差權發遣全州楊揆劄子言在法人戶家
產物業每三歲一推排陞降等第如有未當許人戶陳
訴改正然後立為定籍置櫃收藏於長官廳凡有差科
令佐躬親按籍均定比年以來州縣弛慢盡付胥吏之
手每遇差科公然賄賂良民受弊依前產去稅存故使
貧乏下戶多有逃移欲望明飭有司申嚴行下諸路監
司守臣凡差科並須令佐躬親均定不得令公吏干預
惟許檢閱抄寫如有違戾仰監司按劾以聞從之 三
十年六月十四日詔諸州縣歲終攢造丁帳三年推排

與出母嫁一作
于出母生

物力除附陞降並令按實銷注州委官縣委主簿專掌其事監司太守常切檢點如有脫落許人戶越訴當行官吏以違制論從戶部之請也 三十二年正月二十五日臣寮言望詔有司立法自今知縣縣丞滿罷之日批書條限內曾無排造文簿及縣丞推受物力有無未了名件庶凡版圖得寔可以據籍定差於是給舍金安節等看詳昨降指揮任滿批書並依祖宗舊例詔依五月三日四川總領王之望言契勘人戶將田宅遺囑與人及婦人隨嫁物產與夫家管係在法田宅止與出母嫁母方合免稅若與其餘人並合投稅今四川人戶遺囑嫁資其間有正行立契或有止立要約與女之類亦

合投稅緣得遺囑及嫁資田產之人依條估價投契委
可杜絕日後爭^端強若不估價立契雖可幸免一時稅錢
而適所以啟親族兄弟日後訴訟戶部言人戶今後遺
囑與總麻以上親至絕日合改立戶及田宅與女折充
嫁資並估價赴官投契納稅其嫁資田產於契內分明
聲說候人戶賫到稅錢即日印契置厯當官給付契書
如合干人吏因緣搔擾許人戶經官陳訴若出限不即
經官稅契許人戶告將犯人依匿稅法施行從之 紹
興三十二年壽皇聖帝已卯位未改元八月二十三日
中書門下言州縣三年一次推排坊郭鄉村物力多係
坊正保正副私受人戶錢物升排不公守令信憑人吏

藏匿等第大榜泊至人戶知得並已限滿無緣陳理貧弱受害今仰州縣推排出院日分明出榜如尚敢循習委監司覺察奏聞當議重寘于法庶使良民有所申訴從之 壽皇聖帝乾道二年正月十八日詔孫大雅奏漢制上計之法朕以為可行於今令侍從臺諫參考古制進呈 先是知秀州孫大雅置本州拘催上供錢格目來上且言漢制歲盡郡國詣京師奏事至中興則歲終遣吏上計於正月旦天子幸德陽殿臨軒受賀而屬郡計吏皆觀以詔殿最今也不然未嘗有甘泉上計之制而臣始為之奏且臣所撰州縣拘催上供錢格目者蓋法漢之大司農郡國四時上月旦見錢穀簿其通未

未畢各具別之之意以為書也敢昧死以獻惟陛下裁
擇於是監察御史張敦寔劉貢言切謂一縣必有一縣
之計一郡必有一郡之計天下必有天下之計天下之
計總郡縣而歲考焉三代遠矣方冊可得而知者自禹
別九州成賦中邦因南巡狩而至大越登茅山而會諸
侯辨其山曰會稽後立會稽郡漢書注云以其會諸侯
之計於此也逮至周官所載最為詳悉天官冢宰之屬
理財居其半掌財用而言歲終則會者凡十又太府之
職歲終則貨賄之人出會之小宰之職歲終則令群吏
致事鄭氏注云若今之上計也漢承秦後蕭何收其圖
籍知張蒼善筭於是令以列侯居相府領主郡國上計

者此則漢初之制專命一人以掌天下_所上之計也至武帝建元五年詔吏民有明當世之務習先聖之術者縣次續食令與計偕注云計者上計簿使也郡國每歲遣詣京師上之元封五年三月朝諸侯王列侯受郡國計太初元年十二月_又受計于甘泉_{漢三年又受計于}太山之明堂_{是則終武帝之世五十餘年之間一受計于}帝都三受計于方嶽或以三月或以十二月之不同也至宣帝黃龍元年正月下詔曰方今天下少事而民多貧盜賊不止其咎在上計簿文具而已務為欺謾以避其課令御史察計簿疑非實者按之使真偽無相亂是則在宣帝之時郡國所上計簿已不能無弊矣光武

中興歲終遣吏上計遂定制論正月旦天子幸德陽殿
臨軒受賀而屬郡計吏皆在列置大司農專掌之其逋
未畢各具別之今孫大雅所陳者是也然西漢言郡國
上計東漢言屬郡計吏則遠方者在東漢未必偕至矣
漢之大司農則今之戶部也切見戶部掌天下之財計
有上限中限末限之格法有日催旬催五日一催之期
會每於歲終獨以常平收支戶口租稅造冊進呈而於
州郡諸色窠目尚畧焉是於三代歲終則會與兩漢歲
終上計之法為未備也然而去古愈遠文籍愈煩在西
漢已不免文具之弊況今日能革其偽乎在東漢止於
屬郡之內況今日川廣之遠能使其如期畢至乎以臣

等愚見莫若歲終令戶部盡取天下州郡一歲之計已足未足虧少虧多之數並皆造冊正月進呈兼採漢制丞相選差一人考覈戶部所上計而明州郡之殿最則三代兩漢之制皆兼該而無不舉之處矣詔令戶部措置其後戶部言諸路州軍歲起上供諸色窠名錢帛糧斛各有立定起發條限年額數日本部每年預行檢舉行下諸路監司及州軍當職官排日催促依限撥納其歲終具常平收支并稅租課利旁通條取前一年數戶口本年數造冊進呈內不到路分次年附進今來張敦寔等奏陳歲終令戶部盡取天下州郡一歲之計已定未足虧少虧多之數造冊正月進呈緣諸州軍地里遠

近不同竊慮不能於次年正月盡實申到若候取會齊足攢造亦恐後時今措置欲立式遍下諸處州軍知道當職官各以本州每歲應干合撥上供窠名錢帛糧斛數目置籍照條限鈎考撥納歲終逐一開具造冊須管於次年正月了畢詣闕投進候到降付戶部參考將拖欠諸軍具當職官吏按劾取旨黜責施行上曰如此措置善從之 二月三日詔准東近因措置沙田蘆場拘留人戶供攢戶式有妨春農並仰日下放散如有未圓備去處候秋收畢日施行內形勢上戶即仰措置取會不得追擾耕作之人 十一月二十六日權戶部侍郎曾懷言戶部掌催諸路財賦名色不一自來緣無版籍

志作忠
神宗仁宗

無憑稽考往往多致失陷積弊之久習為故常被旨攢具到版籍一物一件皆有照據乞自今每歲諸郡具所起發錢料名總計寔數作一項限次年正月終申發委逐路所隸監司覆寔限一月上之戶部具殿最以聞取旨賞罰庶有司各知任責財賦不致失陷國用以不乏從之六年十月十一日戶部侍郎江浙京朝淮廣福建等路都大發運使史正志言臣恭惟本朝聖祖神宗相繼嗣統爰考元和之制踵為會計之書萬_機杪之暇未嘗不視之為先務歲月易久姦弊易生故不得不時為會計以揅其弊是以景德之錄慶歷之錄皇佑之錄以致元豐中書備對分令諸房揭貼搜羅詳密纖悉備具

朝廷每有施行不復待報於外按圖閱籍如指諸掌竊
思祖宗之時所謂會計之書修纂如是之易者蓋緣郡
國帳狀如期來上無有隱匿稽遲故得以討論措畫入
嘗考之條令一州之帳狀司法注之一路之帳狀漕屬
主之率諸路帳狀上之戶部既已有帳司矣又以別本
關之比部專以纂輯為之違一月者有禁踰一時者有
罰渡江以來天下多事簿期會日為紛擾而帳狀之計
漫不加省近年以來比部省併曹帳司裁減吏額拘推
帳狀不復來上故易於竄易易於移兌而乾沒之患滋
生臣謂救之之術莫若謹帳狀之上續會計之書是書
一成如鏡之照如權之稱尚何所逃哉從之 二十七

日宗正少卿兼權戶部侍郎王佐等言得旨編類版籍
文字稽考得增稅錢一項係依紹興五年五月十二日
旨揮令諸路轉運司量度州縣收稅緊慢增添稅額五
分或三分別歷收今將帳案照得除臨安府并太平州
每季有收外其餘去處並無所收顯見侵欺失陷欲令
諸路漕司自今年冬季為始盡寔拘收以十分為率三
分與本州贍給官兵其七分赴左藏庫送納仍限一月
先次取見本路州軍合增添五分及三分數目作冊供
申戶部置籍拘考詔戶部行下諸路漕臣開具州縣收
稅緊慢處參酌申取朝廷指揮 淳熙五年二月四日
臣僚言丁稅二弊一丁之稅人輸絹七尺此唐租庸調

有脫字

之所自出也二十歲以上則輸六十則止殘疾者以疾
丁而免二十以下者以幼丁而免此祖宗之法也此年
鄉司為姦託以三年一推排方始除附乃使久年係籍
與疾病之丁無時銷落新添之丁隱而不籍皆私糾而
竊取之致令實納之人無幾而官司所入大有侵弊兼
有十數年不曾推排處此除附之弊也若其輸納則六
丁之稅方揆成絹一匹官司紐於久例利其重價及頭
子勘合市例糜費之屬必欲單名獨鈔甚已納者又不
即與銷簿重叠追呼此輸納之弊也今欲縣委縣丞如
均稅事體置丁稅一司遇歲終許庶民之家長或次丁
立罪賞自陳其家寔管丁若干老病少壯悉開列于狀

縣有脫民

將舊簿參照年實及六十與病廢者悉除之壯而及令
者重行收附如隱年不自陳者許人告首每歲入務限
前以籍寔丁名數關報本縣催理抄錄人名下逐都置
粉壁大字書寫曉示通知每歲一易納足即與銷簿給
鈔官吏違滯者坐以罪仍許錢絹從便送納與免諸色
糜費從之 八月十一日臣僚言臨安府舊有都界有
鄉村界自白龜池以南為都界白龜池以北為鄉界前
降指揮放免推排之時有司止將都界影占除放如此
關門外便作鄉村不係免數蓋向來北關門外人煙稀
少以為鄉村則可令駐蹕已久村可乎況東起民山門
至江下及六和塔赤山西溪錢塘門皆蒙放免則三隅

受賜一隅獨不需大惠今欲將錢塘門餘杭門艮山門以
北與依三隅例並免推排科數等事仍依京司例以九
里三十步為界詔兩浙轉運司臨安府同共相度更不
推排 八年閏三月十七日知江陰軍王師古言經界
版籍圖帳歷時浸久令宰不職姦胥豪民惡其害已陰
壞其籍間有稍存處類不藏于公家而散在私室出入
增損率多詐偽乞下諸路漕司專委知縣主簿根刷經
界元在圖帳簿籍拘收入官整緝齊備置厨封鎖于廳
事之右其散失者將逐年版簿參對間有疑誤則證以
官本砧基官本有關則以民戶所存者參定一依經界
格式置造簿籍自今凡有分析及出產受產之家以此

為祖即時逐項批鑿庶幾欺弊可革從之 紹熙元年
十二月七日詔江東轉運司行下徽州委知通將婺源
黟縣人戶合用砧基簿並一體催督置造毋容違戾
先是臣僚奏徽州六縣除祈門畧有存在五縣並不置
立所以產稅參錯陷失若不及今修整向後姦弊愈生
貧弱受害欲望備坐見行條法行下遵承及此農隙之
時立限了畢故有是命 慶元元年二月七日臣僚言
財賦源流所繫在圖籍倘圖籍之不明則財用之不足
此必然之理也伏自經界之久打量圖帳一皆散慢迨
年稅籍又復走弄所以州縣日益匱乏莫知所措雖欲
稽考猝難搜索乞申嚴行下應經界以來打量圖帳與

夫逐年鄉司稅籍並行拘置官府以候檢核民間或有
隱匿併與鄉司同坐侵移之罪不以赦降原減從之
嘉定三年四月十九日臣僚言比年以來州縣之間荐
歲旱蝗疾疫間作陛下焦心勞思惻怛之誠靡有餘力
然而流離餓莩尚多有之官有徒費之名無寔惠之效
無他版籍不素明故也中徽州縣使其一新編籍一洗
宿弊以提舉轉運兩司總其成而稽攷之非唯可以為
揀荒之根柢亦足以使朝廷之上知戶口之虛寔強弱
從之十四年九月十日明堂赦文諸路州縣不依條
限推排人戶物力是致家業並無陞降其間有產去稅
存之家官司止據舊數催理官物雖有逃亡猶掛欠籍

可令知通令佐究寔除放仍令提舉司常切督責州縣
照應條限從寔推排毋致違戾

宋會要 逃移

起右祖乾德元年花寧宗開禧三年

太祖乾德元年閏十二月命樞密學士薛居正往西京
招撫逃移 開寶六年正月詔州縣流民委逐處起遣
却歸本貫仍給緣路口糧 九月詔諸州今年四月已
前逃移人戶特許歸業只據見佃桑土輸稅限五年內

却納元額四月已後逃移者永不得歸業田土許人請
射 太宗太平興國元年二月詔開封府近年蝗旱流
民甚衆委本府設法招誘並令復業只計每歲所墾田
畝桑棗輸稅至五年復舊傷所遺欠悉從除免違者以
所桑土許他人承佃承佃人歲輸租調亦如復業之制
民願歸業而官邀滯者許人陳告犯者決配 淳化元
年八月詔江淮兩浙民請射逃戶田土者許五年滿日
只納七分租稅 二年正月詔陝華同永興鳳翔管內
逃戶念彼農民值茲旱歲迫于饑饉遂至流移諒有失
于耕桑固莫克于衣食達于予聽深用軫懷宜示優恩
俾歸舊業以年寬限其稅賦以口數貸其種糧使復鄉

間再修田畝 四年二月詔開封府逃移人戶令本縣

招携歸業倍加安撫其坐家破逃挾冒佃者限一百日

陳首只自今年夏秋依舊額起納稅賦過限不首本縣

令佐并本村大戶地隣戶長典押並當科責先是太子

中允竇玘建議請檢括幾內諸縣逃田即命玘領其事

至是以煩擾罷之 三月二十三日詔前令淮南江南

兩浙民請射逃田許五年滿日止納七分如聞不體優

恩益生姦弊將臨輸納復即逃移勵此頑嚚宜行條約

自前逃移戶限半年歸業免當年二稅今後逃戶亦限

半年免一料科納限外不歸許人請射除墳塋外充為

永業其新舊逃戶却來歸業并曾經一度免稅後依前

抱稅逃走者永不在歸業之限若在初前歸業并請射
人戶經一年已上者便納元額未及一年者只放一料
驅料便納元額諸道並準此 十一月詔應開封府管
內百姓等霖霖作沴水潦荐臻多稼既被于天災盡室
不安于地著遂至轉徙其將疇依先是今三月辛亥詔
書應流民限半年復業限滿不復即許鄉里承佃充為
永業又念民之常性安土重遷離去舊國盖非獲已自
今年十一月已前因水潦流移人戶任其歸業如至明
年夏不歸業者即以辛亥詔書從事 十二月詔逃戶
屋宇桑棗官為檢校即招誘復業當議與免來年夏稅
至道元年六月開封府言管內十四縣今年二月已

前新逃人戶計二百八十五戶乞差官與令佐檢校及遣殿中丞王仲和等十四人分行檢勘仍照今年四月已前申逃并典賣逃戶田土割稅不盡及挾佃詭名妄破租稅侵耕冒佃側近佃田妄作逃戶并見在戶將名下稅物移在逃戶腳下夾帶開破者並限一月許經差去官陳首仍舊耕佃輸稅并許本村耆保親鄰里正戶長書手陳首典押令佐覺察如有欺蔽者許令差去官處申舉違限不首及不覺竊舉許人陳告犯人田產牛具給告人充賞外本犯人并本村耆保親鄰里正戶長書手干繫典押等並當決配令佐除名永不錄用其妄破稅物並于犯人并耆保親鄰里正戶長書手及干繫

兩疑腴

官典處均攤填納 真宗咸平二年八月詔諸道州府
檢覆逃戶物產委定別無情弊不得更將逃戶名下稅
物均攤令見在人戶送納 景德三年正月詔緣邊長
吏招携逃名如有復業者特免三年稅租差徭 大中
祥符四年八月二十日詔如聞滁和等州頗有流民宜
令轉運使倍加安撫 天禧四年六月殿中丞楊日嚴
言民有倚典膏雨拋下瘠薄之地挹稅逃移者自今若
來歸業請令先承認舊逃簿田方得收贖前來待典土
田如已有人請射本戶逃田即元倚典田土亦不以多
少止許請射人收贖併歸一戶永為永業如請射人不
及收贖即勒見佃人蔭其本主更不得收贖從之

仁宗天聖四年九月詔逃戶經十年已上歸業者未得
立定稅額候及三年于舊稅額上特減五分永為定式
先是二年十一月十三日敕書應請射逃戶十年已上
田土者特立此條以優之而逃亡復業者及不預其例
至是上封者請比附而條約之矣 六年四月十二日
遣使安撫河北因降勅榜曉諭逃民與放今年夏秋稅
租及借貸糧種令各歸農業權免諸般差科鄉縣不得
追擾 二十五日命使臣于都門裏置場給散河東州
軍流民人支米二斗旬日約支數十萬石而止 七年
十一月十六日詔天下逃戶田土經十年已上見今荒
閑者限一百日許令歸業限滿不來許人請射其歸業

并請射人戶並未得立定稅額及應令副差徭候及五
年于舊額稅賦上特減八分只收一分永為定額矣
二十三日詔前令逃田經十年已上許本主歸業及諸
色人諸請佃米得立定稅額慮其間有侵耕冒佃年深
者將來別致爭訟及見有稅產人戶故拋自己田產却
來請佃逃田以圖僥倖須議特行條約自今侵耕冒佃
者候勅到限五日陳首據陳首後來耕到熟田頃畝于
元稅額上止納五分如本主限內歸認給付本戶依此
分數納稅若有輒拋自己田產妄作逃移請射逃者許
人論告科違制之罪押歸舊貫供輸所請逃田給告人
請射逃田者並具拆戶下有無田土稅數于請射簿內

名下注鑿鄉縣耆保不切覺察並從制違失科罪八年二月荆湖北路轉運使張保雍言荆南府監利縣民有請射淳化五年逃田者本縣以其田大中祥符八年嘗有民請佃後來未滿十年不該天聖二年赦文減放稅額令詳其田自淳化五年至今三十餘年荒閑顯是業輕稅重無人承佃中間雖有人請射未嘗耕墾輸稅裁四箇月復即逃去若無條約慮啓獎源欲令應請射遠年逃田如中間雖曾有人請佃便却逃走者須經起納稅賦一年或二年已上方許理後來逃走日月若未及一年復逃者止理原逃年月從之明道二年三月十四日知安州劉楚言本州旱歉三年流亡者八千八

百餘戶檢詳紹聖編勅應因災傷逃戶限半年許令歸業免一料催科又明道元年十一月甲戌敕書京東江淮南災傷州軍流移人戶各令歸業免夏秋兩料稅賦令流亡之人已出勅命慮富室疆戶肆為兼并貧弱者歸業無期必恐州縣戶口咸耗欲望申限半年優免徭賦詔災傷之地悉如楚奏特展半年許流人歸業免兩料差徭賦稅寶元二年八月十七日河東郡轉運司言陝西及晉絳州人值旱分房往河北已令州軍應係有河去處不收渡錢店舍寓止不取宿直詔流民經過諸處公私渡錢隨身將帶盤纏見錢合收稅者並與放免許寓止宮觀寺廟慶厯四年六月二十三日詔因西

事料配及揀鄉兵逃移未復業者其令所在招集之

五年三月德音因災傷逃移限一年令歸業與免三料

催科及支移折變不因災傷逃移限半年與免一料支

移折變 皇祐元年正月詔河北水災流亡甚衆其存

者又無種食方春東作宜令三司支錢二十萬貫下轉

運司市穀種分給中等已下戶其令佐能招輯流亡及

勸課耕種候秋成日皆考以是聞 六月詔河朔流民

之復業者其蠲租賦二年 五年六月詔河南北比年

災傷流民未復州縣長吏有能招輯勞佚者安撫轉運

司條具能否以聞 閏七月詔廣南經蠻寇所踐而逃

民未復者限一年復業乃免兩料催科及蠲其差役三

年至和二年四月二十八日詔訪聞饑民流移有男女或遺弃道路令開封府京東京西淮東京畿轉運司應有流民雇賣男女許諸色人及臣寮之家收買或遺弃道路者亦聽收養八月詔河北沿邊久雨為患而瀕河之民致有流移者其令所在振之嘉祐六年七月詔辰州省地民先逃入溪洞今復歸者與蠲丁稅三年神宗熙寧元年八月二日詔令京東西路轉運司轄下縣應河北遭水流民到彼並仰于寺廟空閑處安泊如內有老幼疾病的然不能管主者即官計口給米大小有差候至深秋告諭各令歸業種作貧者給路糧十二月詔知青州歐陽修設法撫養河北流民

房穀部

六年十一月十五日詔德音應災傷闕食之民除依條施行外仍令所在安撫提舉常平倉司擘畫優加振救無致流移失所 十四年四月二十四日中書門下省言戶房省詳諸色人戶請逃田舍隨田畝賦稅出役錢者候起稅日數納其承受官田者準此乞頒下從之元豐二年三月十七日河北沿邊安撫司言雄州兩輸戶避北界差夫及科柱木修涿州城各携家屬來近本州并關城居止上批兩輸戶避役逃移不免失所其給口食振卹候北界移役少息諭令復業 六年六月二十日提點河東路刑獄黃廉言嵐石等流移至苛嵐軍民戶準詔發遣還鄉訪聞流民昨為久雨全損秋田故

暫來就賤鋤一夏苗麥乞限一月畢田事如允其請火
山軍亦乞依此從之仍令廉詣兩軍安集之 哲宗元
祐七年四月十七日尚書省言災傷處移人戶或隣人
亦逃移或官司未暇檢覆至歸業即官司以不經申報
檢覆不與放稅遂使優卹之法澤不下究望許依歸業
放稅條從之 徽宗政和元年八月二十四日臣寮言
州縣之民遇水旱則流移官司不能諭以離流難復之
患勸以居業賑濟之利至使毀屋棄業轉徙四方甚可
惜也乞應災傷處官司能勸諭賑濟不至移流與流移
數多者行賞罰從之 八年閏九月十一日詔江淮京
浙廣南福建路被水官吏失于循撫民多流移在法當

招誘復業官吏坐視不恤使民轉徙重困可令監司督責勸諭還業計一州縣隨戶口數具流移與復業人比較多寡各具數以聞其最多最少官吏並當量行賞罰候到仰三省將上取旨宣和二年三月十七日詔淮南流民失業無力可歸州縣官其誘諭遣還仍給在路糧食毋令失所 三年二月五日詔大兵分進兩路討賊兇黨已遁走人戶漸次歸業宜優加安集以示至懷應兩浙江東路被賊燒劫州縣人戶自復業日下已前見欠諸般租賦及公私債負一切並與除放自復業以後戶下應干稅賦特與除放三年仍不得少有抑配搔擾邀妨有營緝違犯官吏並當重加竄責仰兩路監司州

造疑勸
或告字之
端

縣當職官躬親推行多方招誘造諭速令歸業務使一方早獲安堵以稱宵旰南顧之意應有合行措置事件令所屬監司疾速條畫以聞 二十八日詔應因方量及根括地土致人戶逃移其地土並聽元佃人歸業已前拖欠稅租等並與除放內京畿京西京東河北路依減半稅租輸納 同日詔逃移人戶舊欠不得令新佃人承認催理積欠展限三年和預買物帛並仰預俵價錢非泛稅科和買物色並行住罷 三月二十三日詔兩浙江東被賊州縣漸已收復逃移及被劫未業人戶地土屋業官為權行拘籍如及一年未歸業即依逃田法權行召人租佃承賃 五年十一月十九日詔京

西路累年災傷民力匱乏州縣失于措置頗多逃移今
歲雖熟若將積欠佯行催理顯見未易出辦可將宣和
三年已前拖欠稅租並與權行倚閣應逃移未歸業人
戶仰轉運常平司官督責守令多方措置招誘歸業仍
將歸業人戶未歸以前見欠租稅及係官諸般欠負並
特與免除 十二月三日手詔河朔兩路根本之地頃
因河北燕山通為一路有司庶事取足河北不復更恤
百姓科賦併下調發頻數兩路人戶不得安業賊盜竊
發其間所至搔動北顧為之惻然昨緣盜賊驚劫及避
科差逃移之人見今遷移在州軍縣鎮或往別州縣居
住者今來遷事就緒賊盜衰息仰州縣長吏多方招誘

歸業復業之後不得少有搔擾 六年八月十八日以
收復燕雲大赦天下應逃移人戶委州縣長吏招誘歸業
多方存恤 十二月四日詔訪聞環慶邠寧涇原路民
戶流移懷德軍西安州界令提舉常平官親詣存撫賑
濟勸誘歸業 二十日詔河北河東兩路流移尚多盜
賊未殄屢降詔旨尚慮澤不下究宜令兩路文臣提點
刑獄各兼本路撫諭徧行阡陌宣布實惠俾人人或知
前日詔書出朕親札其已流移之民棄下田產量行借
貸召人耕墾應人戶未輸租糴並與倚闕凡戶口之登
耗民情之利病官吏之廉汙勤惰悉覈寔具奏守令奉
法循理勞來不怠有顯效者亦以名聞 十年正月八

日詔河北京東路盜賊及流移人戶已降處分出榜告諭並使復業可令逐路轉運司行下州軍將曾流移及為賊盜民戶地土庄產林木舍屋等官為檢校責付保長正近隣看管不得輒有採伐以待歸業即時給付如已拘在官或已召人請佃出賣並行改正如違及敢占據者並以違制論 二月二十八日詔京東等路流民與寇盜漸已出首復業緣隨身有道路費用之物不許檢收稅如違以違御筆論敢行邀阻乞取者配三千里 五月三日詔浙西去歲水災民戶艱食豪右之家往往將離業人戶已種麥田恃疆占據仍以積年宿負倍息重疊準折州縣受情理索甚於官債故豐年不免

於流徙深可憫惻應官戶百姓積債負並至秋成後理
索如敢私侵占人戶田苗依條科罪庶幾漸便歸業
九日德音京東河北路州縣應田逃移逐食或歸業之
人經過所在去處不為賑恤却行邀攔抑勒投軍並許
家人越訴勘會詣寔特為放停應兩路曾被燒劫及移
徙復業人戶修葺金屋合用竹木瓦石之類其合抽收
商稅並與免納十一月十九日南郊赦文諸路有逃
移人戶未能歸業之家官司將棄下田土並作逃田拘
收殊非還定安集之義應移逃人戶仰所在官司說諭
各令歸業田土其棄下田土如契亦分明或雖無契亦
而官司并隣至有文字可以照據委非偽冒者並令給

閭閻

度河東南
渡河東南

還諸州縣逐月具已發歸業及已給還田土人戶申轉
運司類聚申尚書省光帝建炎元年五月一日
赦應逃戶田見令地分掌管人等難認租稅許令自陳
特與放免其田依條召人承佃候歸業日給還應因金
人所至州縣劫掠逃避人戶仰監司守令多方招誘歸
業內閭食不能自存之人依災傷七分法賑給與免今
年夏秋稅雖業歸而無力耕種者仰提舉常平司審量
等第借貸錢糧收買牛具之類候將來收成日分三年
逐料帶納二年正月二日詔曰河東河北郡縣自太
原真定失守之後皆因攻圍官吏軍民誓以死守訪聞
失職之吏失次之軍失業之民度河東南者流離失所

未有所歸朕甚哀之其令河北京西陝西帥臣監司悉心措置於沿河州縣分布除官員發赴行在外公吏人補元職次充役數多無闕額者奏取指揮軍人做舊軍分高下補逐處闕額便支行衣糧已足者權於額外收以十分為率不得過一分餘數發填鄰路州軍闕額百姓以附近官田及未復業田計丁給授牛具種子以常平錢借給並須驗寔幾察姦偽先令權於寺觀及係官閑屋內居止公吏軍人限十日分撥限一月給授了畢間以平糴司錢糧計數量給口食如不足具數開奏各體至意毋為文具措置就緒厚加旌擢 四月五日詔逃稅役輒勒鄰保代輸許人戶越訴令提刑司覺察今

日以前逃田無人承佃應召人請射者特依連年無案
籍逃田法免催科 五月十一日曲赦河北陝西京東
路應被虜人戶拋下田產等仰村保鄰人常切照管不
得斫伐窠木發掘墳墓其田土并舍屋仍許親鄰諸色
人住佃才候歸業盡時交付內田土已耕種成稼苗者
本縣量給牛糧種子及功力依鄉原體例或以四六或
以三七均分仍令所在州縣勸諭早令還鄉其棄下田
產宅等所屬官司驗寔限三日給還月具已津遣歸業
人戶數申轉運司檢察仍以勸諭歸鄉人最多三兩處
以聞當議量加酬賞 十二月二十三日赦應昨因逃
移逐熟或歸業之人經過州縣不為賑恤却行邀攔抑

勅役軍者並許越訴勘會詣寔特與放停勘會昨緣軍人及盜賊人戶拋棄田業流移雖已歸業尚慮無力能盡行耕種仰令佐躬親體度據見布種田土頃畝理納租賦其見荒閑未曾耕種田土不得一例理納務要寔惠及民無容冒濫應州縣曾經金人或盜賊燒劫去處人戶逃避遺下老弱婦人及小兒貧乏不能自養者仰所在官司抄劄依災傷七分賑給施行仍多方招誘逃避人戶早令歸業三年二月十四日內降詔曰朕倉卒南渡致士大夫并其家屬禁衛五軍老小不時救濟頗聞尚有未達行在者累雖次委劉光世王淵多以絹帛堆垛江口賞募舟人日夜濟渡猶恐既渡之後徒

步顏仆道路仰康允之日下發其岸空粮船五十隻綱
稍先支一月請授選差使臣二員給券管押明立旗號
前去常潤以來裝載南米之人早令至行在朕以此未
敢獨享宮室之安仰有司于殿後權設御閣朕當自處
其中以俟衣冠兵補士庶老小咸達行在方御寢殿仰
三省日下出黃榜曉示 四年七月四日兩浙轉運司
言管下州縣有被賊驅虜未歸之人見今田業為佃戶
妄行識認隱匿稅役今措置下項一欲委諸縣令佐曉
諭佃戶各于八月一日以前具元佃某人戶下地土四
至頃數令自陳官為出給由子勤認納苗如佃戶不見
得田產之家逐年合納稅役即以自來鄉原體例每畝

為率一佃戶租種每畝認還業戶租米除認納全米外
將其餘合還業戶課利以三分為率一分給與佃戶一
分送納入官別歷樁管應副上供及一分官中權與收
樁候人歸業連元業田產給還如過三年田戶不歸即
依戶絕法其見今戶下諸色非泛科率並與蠲免并先
有積欠稅物亦不許于租佃戶名下催理從之 八月
十八日饒信州音德應曾被焚劫逃避人戶仰令佐多
方招誘歸業內闕食不能自存之人依災傷放稅七分
法賑給即雖歸業而無力耕種者令提刑司量行借貸
收買牛具之類候將來豐熟日分二年逐料帶納人戶
置買耕牛權免稅錢一年紹興四年七月一日虔州曲

赦同此 十月七日詔見今業主未歸并田戶死亡無人耕佃者委令佐多方招誘招人承佃除依舊認納常賦外其餘合還業戶課利言今來係初行布種與舊佃人戶不同欲以十分為率五分給與佃戶二分半納官二分半官中權行拘收後業主歸即給還仍自來年夏料為始非泛率差徭與免一年如過二年佃主不歸即依戶絕法其分鎮去處下鎮撫使一面措置召人耕種十二月二十三日都省言諸處流移老弱到行在無所得食已詔支降錢米令越州騰郡官屋收養單獨病患之人日給米一升錢一十五文綠雨雪連綿柴薪踴貴慮養贍不足詔每人日添破米五合錢一十五文內七

募疑募

歲以下減半給 紹興元年三月二十八日詔常州平
江府近有淮南京東西等路避寇渡江流移^逃業之民
可專委逐州知通措置賑恤仍依老疾貧乏不能自存
人條法給散及慮艱得柴薪每人特更給錢二十文七
歲以下減半以本州常平錢穀支撥深慮數目不足平
江府降度牒二百道常州一百道變轉應副 二年四
月十八日中書門下省言諸路州縣人戶因兵火逃亡
者田業^外二年^非許請射 在十年內者雖已請射
並許地主理認歸業佃人已施工力者償其費即已布
種者收畢交割未請射歸業而佃客人權佃者聽免一
料催科而歸業者聽免兩料催科一年外免三料每加

一年各更免一料至四料止其已前積欠稅租等並與
除放仍免二年非泛料配即已歸業而又逃亡者止理
後逃月日為單年限撥充職田十年內聽理認歸業官
司占吝不還者言赴訴從之 十九日權發遣池州王
進言盜賊寧息六縣流離農民皆願歸業緣例多貧乏
已委縣官多方曉諭將來布種日官為借貸種糧牛具
候收熟拘元價歸還其合用錢物乞給降詔禮部給江
南東路空名度牒一百道付王進^進變轉應付不得別將
他用多方招誘早令歸業 六月二十二日詔今後應
逃亡死絕名田產令戶部立法今^修立列下條諸逃
亡死絕及詭名挾佃并產去稅存之戶不待造簿畫時

倚閣檢察推割從之 二十五日詔令兩浙江淮諸州
縣守令將東北流寓之人多方存撫照管如無舍屋居
止即于寺院或空閑官舍內安泊不管少有失所及令
逐路監司常切檢察毋致違戾 九月四日敕訪聞諸
路官司拘收人戶逃田殊非還定安集之意應逃移人
戶仰所在招諭各令歸業其棄下田產雖無契照而官
司并鄰主可以照據委非偽冒者日下給還若已歸業
其舊欠稅役並行除放如敢因緣作弊但為文具惠不
及民者並按劾聞奏 十一月二十七日知臨安府宋
輝言訪聞有山東海州等處流民欲委官抄割依常平
乞丐法每人日支米一升小兒減半從之 三年正月

五日知岳州范寅敷言本州農民自來兼作商旅太平
在外欲出榜招召務令疾速歸業如貧戀作商不肯回
歸其田權許人請射候回日理今限給還若舊係官田
合出納租課或合出賣見今荒閑者乞更不召人出租
承買許人戶仕便請佃于是戶部言商人田產身雖在
外家有承管見今輸送二稅難許人請射如因作客拋
棄田產即依所乞施行從之 二十六日臣寮言近詔
歸業人民免催科者至四料止若田畝未盡墾闢恐未
可一槩催全稅乞詔郡縣據所墾田畝多寡為催科之
數料數亦視所納租為率其歸業者縣具每月歸業人
戶申州州每季申轉運司轉運司每歲申戶部戶部置

籍以稽考之仍命有司以人戶歸業墾田多寡嚴立守
令課最之法從之 二月二十四日臣察言乞檢會去
年三月手詔招携淮南人戶歸業並免二年租稅將來
合行催納之稅據已種頃畝計數起納其後墾闢到田
畝亦據數添納指揮外更展一二年起催庶使人戶樂
于聽從及乞將建康府永城縣禾稻更充借貸今年淮
南歸業人戶糧種并取撥淮東鹽事司支費剩錢應副
收買牛具等詔劄與孟庾將永豐縣禾稻應副韓世忠
草糧如有剩數令分俵淮東州軍守臣更行充借貸歸
業人戶糧種 四月二十五日工部侍郎李擢言平江
臨虜之民業田多有舊佃戶主人見用漕司申請除歲

納常賦外餘為三分一以給佃戶一以輸官充上供一
以拘籍在官俟其歸業其佃田給還二年不歸即依戶
絕法自建炎四年迄今已三年然陷虜之民豈不願歸
顧力未能脫欲望更展限二三年以俟之詔令各部檢
坐已降指揮行下五月二十八日權發遣岳州范寅
敷言乞應逃亡人戶自降紹興二年下半年以前復業
者與免四料紹興三年上半年以前復業者免三料下
半年以前復業免兩料紹興四年以前復業各一料
從之六月五日江南東路轉運司言本路管下州縣
如有歸業人戶被州縣沮抑不即給還產業之人欲經
監司陳訴若未有監司到彼許寔封狀詞專委逐州通

判接授不得開訴每十日一次類狀專差人齎申就近
監司根治施行從之 九月八日戶部言人戶因兵火
逃亡拋棄田產依已降指揮二年外許人請射在十年
內雖已請射並許地主理認歸業及免料次催科已撥
充職田十年內亦聽理認歸業官司占田不還許越訴
乞委守令備坐上件指揮錢板遍出榜文曉諭民間通
知如有父母被殺虜而孤幼兒女存或被驅虜竄回及
全家被虜而有親屬方歸之人親屬謂同分而未經分
割依條合得財產之人
赴守令廳陳訴逐官回問子細來取索干照契書等如
無文照限當日勾勒保正長廂耆鄰佐照證得實即時
給付如或孤幼貧乏不能赴訴亦聽就近于保正長廂

者告說本處即時申縣依此施行內有孤幼之人即依
條法檢校給所須候年及立便給付監司常切檢察如
有人戶偽冒妄認指占他人產業以為己物并盜耕種
貿易典賣及合干人勘驗不寔並仰監司送楊屬根勘
依條施行人戶被州縣沮抑無力前詣監司陳訴及監
司未巡歷到彼許寔封狀詞越通判廳陳訴本官接受
不得開拆每十日一次類聚專差人齋申就近監司縣
委丞依此齋申通判通判申監司承受即時根治監司
每遇出巡隨行出榜曉諭如有人戶陳訴州縣沮抑不
得即給付及奉行不虔隱匿曉示並仰按治施行詔並
依若州縣監司官吏稍有沮抑並從杖一百科罪仍許

被沮抑人戶越訴先是臣察言近降指揮將被虜之家
田產委州縣拘籍稅賦而苛酷之吏不考事實其間有
父母被殺虜而孤幼兒女見存者有中道得脫者有雖
全家被虜而親屬偶出方歸者並不勘驗一概籍沒人
情皇皇乞下郡縣務令覈寔勿使冤抑每監司行部隨
行出榜人戶陳訴如委是親人官吏故為沮抑重寘于
法詔依奏仍令諸路轉運司措置而逐路措置各不同
故令戶部忝酌以聞而有是詔 四年正月十七日權
發遣建康府呂祉言乞自紹興四年以來後應人戶因兵
火逃移拋荒田土如召人戶請佃開耕已就功力未及
二年雖元主復業且令先佃人耕作候及三年方得交

還餘並依見行條法戶部契勘田其如委是荒閑及三
年以上其佃人種止及一料所施工力至多除收地利
外即從官司相度更令地主償其所費三分之一給與
元佃人欲下諸路轉運司照會施行從之 二月三日
詔禮部給降兩浙路空名度牒一百道付泰州收買耕
牛分借人戶輪流墾闢以本州流移人戶漸有復業前
知州張榮任內雖蒙朝廷支降錢收買牛畜給借而田
多牛少耕使不足故也 十二月二十九日詔淮南流
寓士民應有官人如材力可以任事州縣有窠闕許令
權攝或無窠闕京朝官大小使臣除支體分料錢外月
給食錢五貫文選人支體分料錢權攝官依此支兩月

無可

止進士願入所在學者聽依例給食軍人寄營收養依
舊支破請授吏人指定州縣收寄有可使令者權收使
月給錢三貫文百姓令所在州軍量給內老弱不能
自存及婦人無依倚者依孤貧法 五年五月二十七
日臣僚上言郡縣應人戶歸業者候催科日據所墾田
畝多寡之數合給租賦凡有科數亦視所納租賦為率
其歸業者仍免本戶差役一年縣具每月歸業人戶
州州每季申轉運司轉運司每歲申戶部置籍以稽考
之仍命有司以人戶歸業墾田多寡嚴立守令課最之
法從之 七月十五日諸路軍事都督行府言勘會潭
鼎澧州荆南府公安軍昨緣水寨作過沿湖居民拋棄

田土甚多今米新已歸業令逐州軍將拋棄田土如元
地主歸業委自令丞子細照檢見收執契狀戶鈔或鄉
書手造到文簿之類可以見得分明給還依舊耕種其
元地若已被人請佃開耕了當即依鄰近見田地段
許對數指射標撥分明出給戶部帖文據與免三年六
料催科元無產業願指射空閑田土耕種之人依已降
指揮標撥施行從之 二十二日上諭轉臣曰淮北之
民襁負而至朕為民父母豈可使民失所可賦田予之
更加優恤以廣招徠之至趙鼎曰前後降指揮多方存
恤已是詳備然恐昨歸之人或無居止當行下提點司
量給官錢賑助之沈與求曰立國不當為朝夕計今使

就耕之民盡蠲祖賦更賑助之則五年以後兩淮荒土
往往耕闢已多縱便恢復亦為朝廷無窮之利上曰極
是二十三日權通判岳州王嘉言言湖北兵火之後
全在官吏招集流移州縣闕乏不能寬恤復業者反有
遷徙未復業者不敢回歸乞將州縣最親民官初到任
日據見存戶口二稅批上印紙候任滿日再行批鑒罷
任若任內增加者書為課最別有遷擢或復減少書為
課殿亦實典憲仍乞下湖北轉運司照會諸路殘破去
處亦乞依此從之六年正月七日臣察言江東諸路
逃亡田土無人佃作者並勘會詣寔開闢合納苗稅出
榜召人承佃如無人願佃舊額苗稅重者相驗裁減施

行從之 二十六日詔令江東西湖南北福建浙東提
舉常平官體認前後詔令各仰躬親不往來于旱傷
州縣遵依前後指揮一一檢察賑濟存恤如有流移人
戶亦仰措置踏逐寺院及係官屋宇多方安存依條支
破錢米養濟仍仰帥臣嚴察督責所委屬官并逐州通
判職官諸縣令佐各仰依此極力推行無致少有流移
死損仍日具見今如何措置并賑濟過飢民人數及有
無死損結罪保明狀入急遞聞奏仍遍于災傷去處鄉
村大字出榜曉諭 三月二十八日詔江南西路洪吉
等八州軍將災傷本戶放稅五分以上等四等以下逃
移人戶合納今年夏秋二稅以十分為率每料各與倚

閣二分候來年隨本料送納即不得將不係逃移人戶一例倚閣餘路依此 六月四日提點淮南兩路公事張成憲言淮南州縣累經兵火後來歸業之人往往權蓋草舍旋營生業佃認些小閑田墾種未有家業及營運錢物若一例推排恐州縣過有搔擾欲權免二三年詔權免三年湖北路依此 十月二日樞密院言諸路州軍多有西北流寓人民切慮闕食因而失所詔令諸路帥臣行下諸州軍委自守貳將西北流移無歸人民情願充軍堪披帶少壯人疾速措置招填闕額禁軍七年九月二十三日明堂大祀赦京西淮南湖北路逃移人民復業耕作其典賣耕牛與免納稅錢一年

八年八月二十日鄞州言本州并管屬縣鎮民戶因兵火毀失田土屋業契書外其民戶招認城市已業住舍房廊屋基別無詆載指揮欲望朝廷詳酌特降指揮應民戶理認生屋房廊地基雖無契帳照驗而比鄰有契帳指招認人地界或已被人請射狀內声說元係指佃招誘人屋基如此但有憑據可以照驗及勘會干證分明者許從官司給據合理認為業若元是已業曾經典賣後來為見得業人已死或將他人住舍房廊屋地妄行計議指為已業詐冒理認致他人告諭或因事冒置出官推究情寔乞重立罪賞禁約特詔依如妄認計贓論罪輕者杖一百許人告賞錢一百貫諸路更有似此

處依此 九年六月八日宗正少卿西京淮北宣諭方
庭實言契勘合昨申原士民轉徙南州自靖康至今十
有四年已是出違十年之限又有流徙在僻遠去處卒
未能歸業望詔有司自降赦以後別立年限如出限即
許見佃田業見蓋屋舍住人永為已業庶幾中原流徙
與見在人戶各不失所詔令戶部看詳措置申尚書省
其後戶部措置下項一今來人戶歸業識認田產屋業
房廊等難以理作逃亡月日若不別立年限使歸宗之
人不能識認已業今措置欲自新復降赦日為始限五
年許行理認如限滿無人識認今見佃人依佃官田法
依舊承佃今來識認田產見係人戶承佃已施工力者

償其費已布種者候將來收刈了日交割其田產自拋
荒之後至今尚無人承佃目今荒閑者仰所屬即時驗
實給還一勘會昨自兵火之後中原士民流寓東南往
往皆有祖先墳塋或被官司拘籍或被他人冒占即與
耕種田土事體不同仰所屬勘驗詣實便行給還一人
戶識認田產仰所屬子細驗契書于照若因兵火之後
委無契書但有一件可照勘驗明白亦許識認謂如有
鄰人契書或納稅人田產及指四至戶口并鄰佐耆保
供證詣實之類皆為一件可照一人戶拋下住屋房廊
屋業若見今被人戶拘占或權行拘收在官仰所屬子
細驗契書于照如因兵火之後委無契書照驗而比鄰

有契帳係指認人拋地界或已被人請射狀內聲說尤指佃認招人屋基如此但有憑據可以照驗勘會于照分明許從官司給據令理認為業如已曾經界約量所費還納價錢若係曾經典賣與人後來為見得業人已死將它人屋地等妄行識認指為已業并前項識認並依已降荷揮告賞斷罪施行其人戶識認得業若便行起遣見住人切慮却致失所欲且令見住人仰所屬量行歸業依舊出納價錢如得業人要賣歸業別無所居自要居住亦仰所屬量其歸業口數給充自住餘且合見住人和債乞施行一今來新復州縣難以遙度彼處人情利害除來措置外別有未盡未便欲令所屬監

司帥臣委州縣官各具利害從長相度措置係具申請施行從之 十五年八月十八日權發遣興國軍宋時言本軍自經兵火除絕戶外目今來歸業人七十餘戶所有拋棄田戶依條十年出賣今欲於十年之限更乞寬展令詔給事中戶部侍郎看詳李若谷等今看詳欲令州縣遇有出限歸業人戶即契勘元拋下田土委是無人耕佃歸業人既有可照盡行給付若見有人承佃或官賣了當並於係官可耕田內比較給還諸路依此從之 九月二十五日權發遣無為軍葛祐之言本軍流徙之民漸復歸業尚以難得種糧牛具有妨耕墾欲乞於係省錢穀內許令長貳同共措置借貸立限拘收

入官仍免收息租債以寬民力從之 十六年正月二
十六日權戶部侍郎王鈇言西和州昨因兵火流移歸
業人戶合依節次指揮令於係省錢穀內量度借貸種
糧及收買耕牛不得租債搔擾從之 八月十八日利
州觀察使知成州王彥言契勘本州逃移之民漸復歸
業而保正長等徃徃便行供進保甲遂使已歸者不能
安跡未歸者不敢復歸欲望將歸業人戶下保甲候起
催稅賦日許令進下從之十一月十日南郊赦勘會准
南歸業人戶依已降指揮聽免兩科催科一年外免三
科每加一年各更免一科至四科止優恤已厚尚恐歸
業人戶未能畢力耕種却致供輸不前可更與展免一

年兩料催科

十九年款
同北判

又已降指揮將實開墾田畝數

納二稅未耕田土以十分為率每年增納一分尚慮人

戶開墾未廣虛認稅額可將增納稅數權罷止據實墾

田畝輸納并夏秋二稅上供錢物斛斗雜節次展免除

已起發去處外其未能起發州縣及將有限滿去處可

並與展免至紹興十七年終納歸業識認田產訪聞多

是州縣官吏形勢之家妄行拘占或營利公帑恠於給

還仰本路監司嚴責州縣照應已降指揮施行仍將合

給還田產疾速給還不得違戾如違並仰按劾三十

年八月十四日權戶部侍郎趙子瀟言欲望名詔監司

郡守崇尚儉約撙節浮費招徠撫綏漸復常業其或因

仍故習褻刻不悛並令臺諫奏劾庶使斯民願耕於野而重去其鄉詔依仍令戶部歲具諸州逃閭最多及最少去處以聞取旨賞罰之上曰招集流移全在守臣勞瘁還定之若催科不以時非理敷率以致流亡自當罪縣令臣思退奏曰漢法戶口增者有賞而逃亡流移多者必罰之上曰然二十一年十一月八日戶部侍郎兼御營隨軍都轉運使劉岑言契勘淮南流移百姓老小扶携飢餓乞丐於道無所依倚欲望特賜行下汧路州縣計口給米二升於常平米內應副仰將官舍及空閑寺院廊屋使之棲泊或欲往他州依倚親戚者如法計程給米津遣前去候至春暖言借糧種授以近地逃田

使之耕墾以養其生從之 二十三年二月一日臣寮
言乞下諸路揭榜斷自紹興二十八年以後凡州縣所
賣逃產如元業人及其子孫願以元估官價就贖者仰
即日寄庫內錢出據還產如只係承佃者並行給還其
牛種之類係主戶贖置者則還其主如或怙強恃勢尚
復非理占州縣徇情遷延不為理取許經由朝廷越訴
仍專委提舉常平官覺察奏劾詔令戶部看詳其後戶
部言勘會在法因灾傷逃田限一年不因灾傷者限半
年避賦役者日許歸業不因灾傷再逃者不在歸業之
限不經檢閣稅租及供輸錢物而見有人承佃供輸者
限六十日許歸業限滿者許人指射無人請射者亦限

聽歸業諸田歸業及諸佃若買而權佃人已施功力者償其費即已布種者收畢交割今看詳欲下兩浙江東西荆南北福建路轉運司從本司取見著實遵依前項見行條法施行如有已出賣之數即依今未臣寮所請令元業人脩元估價錢收贖為業從之 紹興三十一

年六月十三日

孝宗即位未改元

登極赦兩浙京西路昨緣金

人侵犯民戶逃移今漸歸業已降指揮於免稅賦及免起州軍上供等錢物以寬民力至於調發馬軍並係專委官措置津發錢糧深慮州縣巧作名色亂行科配及非禮差役逐路監司常切覺察 孝宗皇帝隆興元年正月三十日詔應民戶拋下田產屋宇責令佐抄劄籍

記如有回歸者即依舊主業已請佃者即時推還出二

十年委無歸認之人依戶絕法 四月二十二日詔楚

州并連水軍接海州界多淮北及山東莊農將帶老幼

或牛具散在汳淮住坐無生計竊慮失所委是兩淮帥

臣行下所部州軍責令知縣縣令措置招誘若招及三

百戶耕種就緒生理不闕知縣令除到任任滿賞外與

轉過一官知通減半若過數並與累賞如招不及三百

戶即紐計推賞或有虛數當議重責仍令本路帥漕司

同共覈實保明未上

從都督江淮軍張浚請也

九月二十七日詔百

姓貧乏下戶或因賦稅或因飢饉逃亡其拋下田土官

司即時抄劄拘籍不復歸業遂至失所令州縣申嚴赦

文五年之限應逃亡人戶有頓歸業者即給還如州縣
違戾監司按聞劾奏二年十二月四日詔比者敵人
侵我淮甸數州之民不無驚擾今既議和敵必退舍而
流移未還邑屋未復田業尚荒衣食或闕其令兩淮漕
臣督責諸郡守長貳專切撫綏招來流民葺治居室勉
其耕作振其乏絕或調用不給令江浙漕司那融應副
八日詔兩淮州軍多方措置招集流民歸業仍禁戲
濟渡去處不得邀阻毋致失所十六日德音楚滁濠
廬光州盱眙光化軍官內并楊成西和襄陽德安府信
陽高郵軍人戶復業無力之家許於寺院或空閑無主
屋宇安泊仍將官司白地出榜令指射蓋造居住應棄

下幼小但十五歲以下聽行收養即從其姓 乾道元
年七月二十二日詔階成西和鳳州歸業民戶不能自
存理當矜恤合納租賦與免今年夏秋兩料如有已納
者理充來年之數 五年四月二十五日詔去年災傷
州郡民戶逃亡去處已責監使守令多方存恤依條申
所屬除放外令常平司加意存恤賑濟其除放逃亡戶
租稅即不得勒戶長填納令轉運司覺察如違重寘典
憲 六年五月六日戶部尚書曾懷等言切考諸州郡
常賦各有定額自建炎初遭兵火處有流民產稅權行
倚閭今既經三四十載無不復業之民縱元業主流
亡必別有人戶請佃縣州例以逃閭為名暗失財賦歲

動以數千萬計深為可惜欲乞令諸路州縣限兩月逐
項開具逃亡產業坐落村鄉并晦步四至見今的實有
無人戶官業知通令丞簿尉具結罪保明文狀申省部
不時委官前去審實如果是逃亡即與倚閣或有人租
佃並以不實之罪罪之能自行首舉者從日下起理稅
賦從之 七年九月十二日宰執等進呈知隆興府龔
茂良奏近責守令賑濟恐有徒為大具之人欲充差官
覆實戶口將來比較以定殿最上曰此說甚善恐猶有
未盡者虞允文奏曰早傷州縣已有逃移人戶若以今
覆實為定來歲間有復業者必難稽考欲令併籍已逃
見在之數也上曰極是諸路早傷去處並令依此施行

十月一日詔趙善俊同向士偉將諸處流移民戶見
在淮西之人體做淮東路措置官莊並日下標撥荒田
借助種糧牛具居住耕種如闕錢米申朝廷支撥其被
虜走回人州軍不得邀阻仍移文取問鄉貫親戚詣實
即津發前去若別無親戚識認即依流民人戶措置官
莊事理施行仍常加存恤 十一月四日宰執進呈戴
之邵等乞措置江淮流移人虞允文奏曰昨已委淮西
帥漕矣上曰儻乘此時撫存流亡開墾田土不惟活得
飢民且可以實淮甸允文奏曰欲差朝臣一員前去措
置之上曰若專遣官尤好遂詔薛貴宣往淮西同趙善
俊等措置 二十三日詔江東西湖南路今歲旱傷州

縣間多有人戶逃移可要逐路潛臣督責守令根刷的確逃移戶口并戶下合納全料夏稅數目子細從實開具限十日結罪保明聞奏 十二月八日知廬州趙善俊言本司近準指揮措置招集流移居民先次招到五百七十七戶內朱進等一百七十九戶願耕田土遂分撥官田四十九頃八十一畝八分每畝於常平錢米內借支牛種錢一貫文米一斗令居住耕種外有王成等四百七十九戶皆是人力微薄不願耕佃之人本州自行措置錢米蘆蓆賑給已是安業有接續招到依此存恤外有諸州軍未見申到招集數目切慮逐處無常賦可以充那應副乞令於見管常平錢米內充撥借貸候將來拘

收撥還詔令薛季宣將淮西諸州軍招集到流移民戶
與趙善俊向士偉同共取撥常平錢米依今來劄子內
所乞事理施行 八年六月十日詔大理正兼權吏部
郎中馬大同前去池州審實饒江州等處逃移人戶踏
逐係官田土標撥耕種務在存恤其到人戶逃田計一
千七百二十四頃四十五畝訪聞人戶有於前項田內
冒占耕種並不赴官請佃限六十日內具狀投陳如限
滿即依條施行外有實逃棄頃畝日下措置募人請佃

接前鈔

宋會要

若

熙七年十一月五日臣僚言江州興國軍今歲若旱
流移之民多過兩淮乞行下江西轉運提舉司并江州
與國軍多方賑救無致流徙其已過淮南者令本路轉
運提舉司并光州安豐軍措置毋致逋逃從之八年二
月八日詔江西漕司行下早傷州縣守令約束上戶存
卹地客毋令失所逃移從漕臣請也八月二日臣僚言今
歲江浙州縣水旱相繼細民往往流徙江北諸郡乞令
監司守臣多方賑濟許於諸寺院及空閑廨宇安存如
願種本處官田即令借給口食撥田耕種詔江東帥漕
司疾速措置施行於建康府椿管米內支撥二萬石付

表
疑
表

淮南運判趙彥逾專充賑濟流移人支用務施實惠勿令失所十一月二十九日臣僚言連歲旱荒細民流徙不絕乞下所在州縣抄劄流移人口通行賑濟所有第四第五等戶殘欠苗稅丁錢且與住催其流移人戶拖欠官物本縣分明除豁不得令保正長代納如違許人越訴從之十二月一日詔淮淝江東郡縣間有游饑去處屢飭帥守監司方多賑卹發廩蠲租殆無虛月乃聞官吏奉行之際不切究心致流徙尚多今委秘書省著作郎兼權吏部郎官表樞將作監主簿王謙躬親按視仍仰帥臣監司督責守令修舉荒政以待來歲之豐如或違戾具名奏劾并令御史臺覺察四日詔江

淞兩淮帥漕提舉司各行下所部州縣將流移到人戶
多方賑濟來春如願歸業耕種即量支錢米給據津遣
九年正月六日知建康府范成大言近降指揮流移
之人如願歸業耕種即量支錢米給據津遣今欲移大
兩淮安撫司漕行下所屬約束沿江渡口遇有江淞流
移歸業之人其人口行李牛畜等並與免收渡錢無致
邀阻其江淞津渡亦乞一例免收從之二月十五日臣
僚言乞下諸路監司郡守令所部縣令勸諭上戶遇有
流移之民未復業者收為佃戶借與種糧秋成之時量
收其息其旱傷州縣佃戶貧乏不能布種者亦令佃主
依此庶幾者還鄉居者安業貧富相資不違農時從之

十年十一月初八日詔浙東西提舉司各行下所部
如有闕食人戶仰依條支給常平義倉錢米措置存卹
毋致失所及有流移 閏十一月十二日臣僚言淳熙
八年淮南運司移牒令建康府池太平州約束沿流渡
口不得放令流移人臣以為未便蓋流移之民已離舊
業彼其間津必有所借借非親故亦有依附一旦阻障
使之進退不能彷徨無計乞詔諸路監司州縣應有流
移人止合措置存恤不得於沿路渡口預行阻障從之
十一年六月二十七日戶部言夔州路轉運司奉檢
準皇祐四年敕夔州路諸州官莊客戶逃移者並却勒
歸舊處他處不得居停又敕施黔州諸縣主戶壯丁寨

將子弟等旁下客戶逃移入外界委縣司畫時差人計
會所屬州縣追回令著舊業同助祇應把托邊界本司
今措置乞遵照本路及施黔州見行專法行下夔施黔
忠萬歸浹澧等州詳此如今後人戶陳訴偷般地客即
仰照應上項專法施行如今來措置已前逃移客戶移
徙他鄉三年以下者並令同骨肉一併追歸舊主出勝
逐州限兩月歸業般移之家不得輒以欠負妄行拘占
移及三年以上各是安生不願歸還即聽從便如今後
被般移之家仍不拘三年限官司並與追還其或違戾
強般佃客之人從畧人條法比類斷罪從之 十二年
十二月十七日臣僚言諸路州縣應有逃亡移籍為鄉

卒錢率

司者無有不知隱占去處若只勒令鄉司抱認自無虧欠乞賜施行戶部看詳乞令諸路轉運司行下所部州縣從今來臣僚奏陳照應見行條法將逃亡稅賦畫時倚閣推割如有隱占去處勒令鄉司抱認並不許抑勒保長陪填從之 紹熙二年正月九日湖廣總領所言權發遣信陽軍閔良臣申淮西諸縣有旱傷去處小民不能存濟傳聞本軍薄熟及有荒田相卒而來涉冬雪寒饑死道路遂勸諭稅戶令招集流民以為佃客假借種糧屋宇使之安存誠慮來者未止本軍財計素自窘迫兼無常平儲蓄可以賑恤本所今照得信陽軍係是極邊除已借支一千貫給付本軍及催本路諸司更為

疾速施行詔湖北安撫轉運提刑提舉司詳所申事理
疾速措置安集毋致流徙 四年六月一日三省言諸
路州郡有被水去處竊恐州縣不能存恤致有流移詔
江浙兩淮荆湖等路安撫轉運提舉司將被水去處須
管同守臣多方措置賑恤毋令失所如將來人戶或有
流移定將當職官吏重行責罰 嘉泰三年十一月十
一日南郊赦文官員職田在法以官荒及五年以上逃
田撥充訪聞州縣不問年限輒行拘占致人戶無業可
歸間有災傷即令依舊數輸納租課並仰日下依條改
正除放自後郊祀明堂赦亦如之 開禧元年六月二十五日夔州
路運判范蓀言本路施黔等州界分荒遠綿亘山谷地

曠人稀其占田多者須人耕墾富豪之家爭地客誘說
客戶或帶領徒衆舉室般徙乞將皇祐官莊客戶逃移
之法稍加校定諸凡為客戶者許役其身而毋得及其
家屬婦女皆充役作凡典賣田宅聽其從條離業不許
就租以充客戶雖非就租亦無得以業人充役使凡
借錢物者止憑文約交還不許抑勒以為地客凡為客
戶身故而其妻願改嫁者聽其自便凡客戶之女聽其
自行聘嫁庶使深山窮谷之民得安生理不至為彊有
力者之所侵欺實一道生靈之幸刑部看詳皇祐救夔
州路諸州官莊客戶逃移者並勒歸舊處又敕施黔州
諸縣主戶壯丁寨將子弟旁下客戶逃移入外界委縣

司盡時會所屬州縣追回令看舊業同助把托邊界皇
祐舊法欲禁其逃移後來淳熙間兩次指揮應客戶移
徙立與遣還或違戾彊般之家比附略人法般誘客丁
只還本身而拘其父母妻男者比附和誘他人部曲法
如以請佃賣田詐立戶者比附詭名挾戶法匿其財物
者比附欺詐財物法則是衝改皇祐之法別為既附之
說致有輕重不同今看詳皇祐舊條輕重適當是以行
之可以經久焉可以畧人之法比附而痛繩之且略人
之法最為嚴重蓋畧人為奴婢者絞為部曲者流三千
里為妻妾及子孫者徒三年使其果犯畧人之罪則以
畧人正條治之可也何以比附為哉既曰比附則非畧

人明矣夫法意明白務令遵守加以比附滋致紊煩欲
今後應理訴官莊客戶並用皇祐舊法定斷所有淳熙
續降比附斷罪指揮乞不施行仍行下本路作一路專
法嚴切遵守從之 三年正月十四日沿江制置使司
言虜賊已退兩淮流民各欲復業乞給盤纏歸業者乞
支撥椿積錢五萬貫付本司斟酌支俵詔令建康府於
修城庫見椿會于內取撥 十一月二十八日立皇太
子敵天兩淮荆襄湖北州縣內有曾經虜人侵擾去處
居民流移渡江除已見行賑恤外仰所在州縣恪意奉
行毋令失所

宋會要

戶口

戶口

戶口總數起開寶九年迄淳熙十六年
推估起開寶迄乾道七年

太祖開寶九年天下主客戶三百九萬五百四
太宗至道三年天下主客戶四百一十三萬二千五百七十六
真宗天禧五年天下主客戶八百六十七萬七千六百七十七口一千九百九十三萬三百二十
仁宗天聖七年天下主客戶一千一十六萬二千六百八十九口二十六萬五千四百三十八慶歷二年天下主客戶一千三十萬七千六百四十口二十二萬九千二百六十一口一千八百八十三萬六千四百四十四嘉祐三年天下主客戶一千八百九十五口二千一百八十三萬六千四百四十四萬三千七百九十一口
年天下主客戶一千二百四十六萬二千三百一十一口二十六萬四千四百一十一口一千六百五十一口
英宗治平三年天下主客戶一千二百九十一萬九千二百一十一口二千九百九萬二千一百八十五口以上國朝會要
神宗熙寧二年天下主客戶一千四百四十一萬四千四百三十三口二千三百六萬八千二百三十五口
天下主客戶一千五百九萬一千五百六十二口一千一百八十六萬七千八百五十二口
八年天下主客戶一千五百六十二口

千一
三
一
六

十作百
高宗
光堯
三作五

孝宗
皇聖

八口六十五萬七千六百九十一
大觀二年天下所陞戶增一
二萬四千一百七十三口一十九萬二千四百六十三
年天下所陞戶二十三萬四千二百一十口五十六萬八千九百三十三
高宗皇帝紹興二十九年天下主客戶一十一萬九千八百八十五口一千六百八十四萬二千四百一
三十年天下主客戶一千一百三十七萬五千七百三十三口一千九百
二十二萬九千八百三十一
年天下主客戶一千一百三十六萬四千三百
七十七口二十四百二十萬二千三百一十三
十二年天下主客戶一十一
百一十三萬九千八百五十四口二千三百一十一萬二千三百二十七
紹興三十二年
孝宗皇帝已卯年未改元
諸路主客戶一千一百五十八
萬四千三百三十四口二千四百九十三萬一千四百六十五
兩浙路
戶二百二十四萬三千五百四十八口四百三十二萬七千三百二十二
福建路戶一百三十九萬五百六十六口二百八十八萬八千八百五十五
一 京西路戶四萬二千七百七口七萬二千九百五十六
刑湖北路
戶二十五萬四千一百一口四十四萬五千八百四十四
廣南西路戶
四十八萬八千六百五十五口一百三十四萬一千五百七十二
利州
路戶三十七萬一千九百七十七口七十六萬九千八百五十三
江南東路

孝宗一作壽

戶九十六萬六千四百二十八口一百七十二萬四千一百三十七
南西路戶一百八十九萬一千三百九十一口三百二十二萬一千五百
三十八 荆湖南路戶九十六萬八千九百三十一口二百一十三萬六
千七百六十七 成都府路戶一百九萬七千七百八十七口三百一十
五萬五千三十九 潼川府路戶八十萬五千三百六十四口二百六十
三萬六千四百七十六 夔州路戶三十八萬六千九百七十八口一百
一十三萬四千三百九十八 淮南東路戶一十一萬八千九百七十七口二
十七萬八千九百五十四 廣南東路戶五十一萬三千七百一十一口
七十八萬四千七百七十四 淮南西路舒蘄黃三州戶五萬二千一百七十
四口八萬二千六百八十一 廬淩光州無為軍壽春府緣經紹興三
十一年侵犯燒毀桀黠免供帳止得三州之數 孝宗皇帝隆興元年諸
路主客戶一十一萬一千三百八十六口二千二百四十九萬
六千六百八十六 兩浙路戶二百一十八萬九千九百八十一口二百
七十六萬五千五百三十五 江南東路戶九十六萬五千三十五口一
百五萬七千六百九 江南西路戶一百九十萬二千九百九十三口二百
八萬二千二百七十三 淮南東路戶一十九萬一千五百四十八口二十

六萬九千三百一十八 淮南西路戶九萬六千一百六十五口二十四
萬四千六百一十一 荆湖南路戶九十七萬五千八百九十八口二百
一十三萬五千一十二 荆湖北路戶二十七萬六千三百五十三口三百
七十四 廣南東路戶一十八萬一千七百六十六口二十六萬七千三百九
十一 廣南西路戶四十九萬七百六十二口一百三十一萬七千二百
二 福建路戶一百四十萬七千二百七十六口二百八十六萬七千一百
八十八 京西路戶四萬五千六百七十六口八萬一千三十四 潼川
府路戶八十一萬一千九百三十口二百六十五萬五百一十六 利州
路戶二十六萬九千五百七十一口七十六萬一千五百五 成都府路
戶一百一十一萬二千九百四十三口一百一十六萬九千六百一十一 夔州路
戶三十九萬二千五百八十一口一百一十三萬七千四百七 二年諸
路主客戶一千一百二十四萬三千九百七十七口二十二萬九千九萬
八千八百五十四 兩浙路戶二百一十九萬一千四百七十八口二百
七十七萬二千八十八 荆湖南路戶九十七萬九千四百六十四口二
百一十七萬五千一百八十七 荆湖北路戶二十六萬八千七百六十
八口四十八萬三千七百五十五 江南東路戶九十五萬五千四百六十

四口一百七十五萬一千五百一十三 廣南西路戶四十八萬八千七
十三口一百二十九萬五千六百六十五 京西路戶四萬二千二百五
十二口六萬九千四百五十八 成都府路戶一百三萬六千八百二十
八口二百九十三萬三百二十八 利州路戶三十七萬二千二百五十
七口七十七萬六千二百六十四 夔州路戶三十九萬七百六十六口
一百一十三萬六千四百六十六 江南西路戶一百九十萬四千六百五十
口三百二十九萬一千五百九 淮南東路戶一十一萬一千七百五十
九口二十七萬二千一百一十四 淮南西路戶九萬六千六百五十四口二
十五萬四千三百四十四 廣南東路戶一十八萬二千九十二口二十
六萬八千四百三十 福建路戶一百四十一萬一千五百四十三口二
百八十七萬八千九百四十二 潼川府路戶八十一萬一千九百三十
口六十五萬五百一十六 乾道元年諸路主客戶一千一百七十萬五
千六百六十二口二千五百一十七萬九千一百七十七 兩浙路戶二
百十三萬一千七百六十三口四百三萬四千八百一十七 江南東
路戶九十四萬七千四百一十二口一百八十六萬一千八百五十一
江南西路戶一百八十六萬二千口三百七十一萬一千一百一十四

福建路戶一百四十二萬四千八百五十四口二百九十萬六千四百六十
千 荆湖南路戶九十三萬九千六百二十九口二百一十一萬七千五
百六十七 荆湖北路戶二百六萬八千二百六十八口四十六萬九千
四百三十九 淮南西路戶一十萬六千六百三十八口二十萬三千四
百六十八 京西路戶四萬六千五百五十二口八萬八千九百九十八 廣南西
路戶四十八萬八千一百四十九口一百三十三萬六千九百九十八 潼川
府路戶七十五萬九千九百三十七口二百二十五萬二千六百二十
夔州路戶三十七萬九千九百五十一口一百一十萬五千五百九十三
廣南東路戶五十三萬七千五百二十四口七十九萬九千八百一十一
淮南東路戶一十萬四千四百六十八口二十八萬一千九百八十九
成都府路戶一百一十三萬五千三百五十五口三百二十五萬四千九
百七十一 利州路戶三十七萬三千六百五十二口七十六萬二十四
百二十三 二年諸路主客戶一千二百三十三萬五千四百五十口二
十五萬三千七百八十六百四十八 兩浙路戶二百一十八萬九千八
百七十九口二百七十六萬五千五百二 江南東路戶九十六萬五千
八百七口一百七十八萬二千八百一十六 潼川府路戶七十七萬三

千九十一口二百二十七萬七千一百五
利川路戶三十八萬二千二
口七十九萬四千八百三十一
夔州路戶三十九萬三千一百一十九
口一百一十四萬六千一百一十一
京西路戶四萬六千一百一十三口八
萬一千一百二十二
荆湖南路戶九十七萬八千四百二十四口二百
一十四萬四千五百四十四
荆湖北路戶九十七萬八千三百八十四
口二百一十四萬四千五百四十四
廣南東路戶五十三萬九千六百
三十七口八十萬四千九百七十七
廣南西路戶四十九萬四千九百三十三口
一百二十九萬六千九百十三
淮南東路戶九萬七千二百一十五口
二十四萬九千二十九
成都府路戶一百四萬九千六百八十七口二
百九十萬二千一百三
福建路戶一百四十二萬四千二百九十六口
二百九十一萬六千七百九十二
江南西路戶一百九十一萬九千一
百三十六口三百八十六萬六千三百五十七
淮南西路戶一十萬八
千一百六十七口二十一萬一千九百二
三年諸路主客戶一千一百
八十萬三百六十六口二千六百八萬六千一百四十六
兩浙路戶二
百二十九萬五千八百六十三口四百五十一萬九千七百一十八
江南東路戶九十六萬八千七十八口一百七十九萬八千二百八
江

南西路戶一百九十二萬二千三百五十口三百八十一萬一千八百八十八
四 荆湖南路戶九十八萬一千九百二十三口二百一十五萬四千八百六十一
荆湖北路戶二十七萬六千三百五十萬五千九百四十八
淮南東路戶一十萬一千五百四十八口二十六萬九千三百一十八
淮南西路戶五萬二千四百一十五口八萬二千三百四十九 京西路
戶四萬六千五百七十八口八萬二千一百六十七 廣南東路戶五十
三萬九千六百三十七口八十萬四千九百七十七 廣南西路戶四十九萬
九百五十四口一百三十二萬二千九百六十二 福建路戶一百四十
二萬四千二百九十六口二百九十一萬六千七百九十二 成都府路
戶一百一十一萬一百八十九口三百二十一萬六千七百二十一 潼
川府路戶八十一萬七千四百三十八口二百六十六萬四千六百七十
九 利州路戶三十八萬二千口七十九萬四千八百三十一 夔州路
戶三十九萬三千一百一十九口一百一十四萬六千一百一十一 四年諸
路主客戶一千一百六十八萬三千五百一十一口二千五百三十九萬
五千五百二 兩浙路戶二百一十五萬三千四百三十五口四百一十
九萬七千七百一十五 湖南路戶一百一萬五千三十二口二百二十

萬四十五百九十二 湖北路戶二十六萬七千口四十九萬八千九百
三 廣南東路戶五十三萬五千八百八十三口一百三十二萬四千七
百三十四 廣南西路戶四十九萬九千四百四口一百二十九萬八千
四百七十四 成都府路戶一百一十一萬八千二百五十九口二百三
十二萬六千七百二十二 潼川府路戶八十一萬九千三百一十六口
二百六十六萬九千六百五十二 利州路戶三十八萬四千九口八十
三萬三千六百四十九 夔州路戶三十八萬二千一百一十五口一百
一十五萬二千六百六十八 京西路戶四萬六千五百五十二口八萬八百
九十七 福建路戶一百四十二萬四千二百九十六口二百九十一萬
六千七百九十二 淮南東路戶一十一萬一千七百五十七口二十七
萬二百七 淮南西路戶一十萬六千六百三十八口二十萬三千四百
六十八 江南東路戶九十六萬八千三百一十五口一百七十九萬五
千九百一十五 江南西路戶一百八十六萬二千口三百七十一萬一
千一百一十四 五年諸路主客戶口十一萬六千三百三十三口二百三十
三口二千四百七十七萬二千八百三十三 兩浙路戶二百一十五萬
八千六百五十三口四百二十一萬六千八百一十六 荆湖南路戶九千

六萬二千六百一十六口二百一十八萬七百二十四 成都府路戶九
十七萬六千三百五十八口三百一萬四千六百三十八 夔州路戶三
十九萬五千一百一十一口一百一十七萬三千六百二十八 江南東路戶
九十三萬一千八百三十口一百八十四萬七千六百六十四 江南西
路戶一百八十四萬二千七百五十二口三百八十二萬四千三百二十
二 廣南東路戶五十四萬四千八百八十四口八十五萬八千一百七
十二 廣南西路戶五十一萬七百二十九口一百三十三萬八千四百
九 淮南東路戶一萬二千一百一十九口二十七萬一千八百二十
二 淮南西路戶一十二萬六千二百七十四口三十三萬六千四百百九
荆南湖北路戶二十六萬七千二百三十八口五十萬七千四百八十五
福建路戶一百四十萬九千六百四十七口二百八十五萬五千七百八
十七 潼川府路戶九十二萬九百九十三口一百四十四萬五千七百
三十六 京西路戶四萬六千七百八十六口八萬二千六百三十二
利州路戶三十八萬一千八百四十三口八十一萬八千五百九十一
六年諸路主客戶一千一百八十四萬七千三百八十五口二千五百九
十七萬一千八百七十 兩浙路戶二百二十九萬七千一百七十四百

五十二萬八千八十九 淮南東路戶一十萬九百五十三口二十六萬
三十一百七十五 淮南西路戶一十二萬五千三百三十八口三十一
萬一千三百九十九 荆湖南路戶九十九萬七千二百七十九口二百
一十九萬五百六十六 荆湖北路戶二十七萬五千六百九十口五十
一萬八千八十三 江南西路戶一百九十二萬七千五百八十四口三
百七十七萬四千八百一十七 成都府路戶一百一十萬八千四百七
十八口三百四萬七千四百八十四 潼川府路戶七十八萬三千八十
五口^五十九萬五千七百六十一 夔州路戶三十七萬九千六百三十
口^五五口一百一十五萬一千三百九十八 江南東路戶九十三萬四
千八百一十口一百八十五萬四千六百五十九 京西路戶四萬七千
六百七十八萬三十二百九十一 廣南東路戶五千四萬五千一百四
十四口八十五萬九千一十三 利州路戶三十八萬八千二百八十一
萬三百八十 廣南西路戶四十九萬七千三百二十一口一百三十二
萬二千六百一十一 福建路戶一百四十四萬七千八百一十二口二
百九十六萬一千一百四十四 七年諸路主客戶一千一百八十五萬
二千五百八十口二千五百四十二萬八千二百五十五 兩浙路戶二

百二十九萬七千四百八十五口四百五十二萬五千九百三十 江南
東路戶九十七萬六千三百五十六口一百八十一萬一千六十四 荆
湖南路戶九十九萬七千八百二十九口二百一十八萬八千六百二十
八 荆湖北路戶二十七萬五千九百五十八口五十一萬九千七百三
十二 成都府路戶一百一十一萬九百七十三口三百六萬一千二百
四十八 潼川府路戶七十八萬六千四百六十九口二百三十萬二千
八百七十 夔州路戶三十八萬二千九百九十三口一百一十四萬七
千七百一十二 京西路戶四萬七千六百四十二口八萬三千九百七
十一 淮南西路戶一十二萬六千二百六十九口三十一萬五千六百
一十九 淮南東路戶一十萬七千五百二十六口一十六萬三千三百八
江南西路戶一百九十一萬八千一百三十三口三百三十三萬五千五百六
十七 廣南東路戶五十四萬六千七百一十六口八十六萬三千三百九十
廣南西路戶四十九萬八千一百三十九口一百三十二萬八千一百六
十三 福建路戶一百三十九萬九千一百八十四口二百八十六萬四
千一百九十九 八年諸路主客戶一十一百七十三萬六千九百九十九口
二千五百九十五萬五千三百五十九 兩浙路戶二百一十八萬六千

四百三十二口四千二十三萬一千六百一十九 夔州路戶三十七萬
一十二百七十三口一百一十二萬八千三百三十四 利州路戶三十
八萬三千八百四十七口七十九萬七千二十二 江南西路戶一百九
十一萬四千八百八十八口三百八十七萬九千二十 荆湖北路戶二
十六萬五千七百九十三口四十九萬七千九百七 京西路戶四萬七
千六百四十二口八萬四千六百七十一 淮南西路戶一十二萬五千
九百四十八口三十二萬六千三百六 成都府路戶一百三萬三千一
百一十八口二百九十萬一千一百四 淮南東路戶一十萬二千八百
二十口二十八萬一千五百二十七 江南東路戶九十六萬七千七百
三十口一百七十九萬四千二百五十四 廣南東路戶五十五萬六千
九百一十三口九十一萬一千四百四十一 廣南西路戶五十萬五千
八百八十三口一百三十三萬四千七百三十四 荆湖南路戶一百一
萬八百七十二口二百二十四萬八千一百九十六 福建路戶一百四
十一萬八千八百一十二口二百八十四萬四千一百七十五 潼川府
路戶八十二萬八千七百二十九口二百六十九萬五千四十九 九年
諸路主客戶一千一百八十四萬九千三百二十八口二千六百七十二

萬七千二百二十四	兩浙路戶二百二十九萬五千八百六十三口四百五十一萬九千七百一十八	江南東路戶九十三萬六千六百一十八口四萬九千五百二十一	江南西路戶一百八十六萬二千六百一十四口三百九十一萬四千八百八十六	荆湖南路戶一百萬五千一百三十四口二百二十萬四千五百九十二	荆湖北路戶二十六萬七千四百九十九萬八千九百三	淮南東路戶一十萬四千四百六十八口二十八萬一千九百八十九	淮南西路戶二萬六千八百一十一口三十三萬二千三百一十一	京西路戶四萬七千八百二十九口八萬五千三百六十九	潼川府路戶八十三萬七千八百二十九口二百七十萬四百六	利州路戶三十七萬三千六百五十二口七十六萬二千五百二十二	成都府路戶一十三萬五千三百五十五口二百二十五萬四千九百七十一	夔州路戶三十八萬二千一百一十五口一百一十五萬二千六百六十八	福建路戶一百四十二萬四千二百九十六口二百七十一萬六千七百九十二	廣南東路戶五十二萬六千九百一十三口九十一萬一千四十二	廣南西路戶五十萬五千八百八十三口一百三十三萬四千七百三十四
----------	---------------------------------	----------------------------	----------------------------------	------------------------------	------------------------	-----------------------------	----------------------------	-------------------------	---------------------------	-----------------------------	--------------------------------	-------------------------------	---------------------------------	----------------------------	-------------------------------

川上氣道會要

脫傳熙元年至其年戶口總數

此條自存皇
聖帝云二萬千
止稿本差布四
頁五月九日荷

雜錄

太祖建隆元年十月吏部格式司言準周廣順三年敕天下縣除赤縣次

赤畿次畿外其餘三千口戶已上為望二千戶已上為緊千戶已上五百

戶已上為中不滿五百戶為中下據今年諸道申送到闕鮮木夾帳點檢

紹興元年降敕命戶口不等及淮南十五州只依十道圖地望收附秦鳳

階成羸莫雄霸州未嘗陞降欲據諸州見管主戶重升降取四千戶已上

為望三千戶已上為緊二千戶已上為上千戶已上為中不滿千戶為中

上自今三年一度諸道見管戶口升降從之 凡望縣五千口二十

八萬一千六百七緊縣六十七戶二十七萬一千六百九十三上縣八千

九戶二十一萬八千二百八十中縣一百一十五戶一十七萬九千十三中

下縣一百一十戶五萬九千七百七十總九十六萬七千三百五十三戶

此國初版籍之數也其後平京南得州三縣十七戶四十萬二千三百平

湖南得州十五縣一縣六十六戶九萬七千三百八十八平兩川得州四

十六縣二百四十戶五十三萬四千二十九克嶺南得州六十縣二百十

四戶十七萬二千六百三十三克江南得州十九軍三縣一百八十戶六十五

萬五十六十五陳洪進獻漳泉二州得縣十二戶十二萬二十一錢做獻

以作是

西浙得州十三縣八十七戶三十二萬九百三十三平河東得州十軍一縣四十一戶三萬五千二百二十（乾道二年三月左司員外郎張澹上）井田制度戶籍沿革（數）開寶四年七月詔曰朕臨御已來憂恤百姓所通抄人數目尋常別無差徭只以春初修河蓋是與民防患而聞豪要之家多有欺罔併差貧闕豈得均平特開首舉之門明示賞罰之典應河南大名府宋亳宿穎青徐兗鄆曹濮單蔡陳許汝鄧濟衛淄維濱滄德貝冀澶滑懷孟潞相邢洺鎮博瀛莫深楊泰楚泗州高郵軍所抄丁口宜令逐州判官互相往彼與逐縣令佐子細通檢不計主戶牛客小客盡底通抄差違之時所責共分力役敢有隱漏令佐除名典吏決配募告者以犯人家財賞之仍免三年差役（太宗淳化四年三月詔戶口稅賦帳籍皆不整舉吏胥私隱稅賦坐家破逃冒佃侵耕鬼名扶戶賦稅則重輕不等差役則勞逸不均所申戶口逃移皆不件析田畝稅數無由檢括斯蓋官吏因循致其積弊今特釋前罪咸許上言詔到知州通判募職州縣官各具規畫何以得均平賦稅招葺流亡患恤孤貧止絕姦倖及鄉縣積弊民間未合便行條貫事令知州通判共為一狀縣令簿尉共為一狀限一月內附驛以聞如有異見亦許別上封章須並畫一指陳直書寔事已差中書

舍人看詳可否如事理優長當議旌賞若公然鹵莽令後不得任親民官
至道元年六月詔復天下郡國戶口版籍 自唐末四方兵起版籍亡失
故戶口稅賦莫得周知至是始命復造焉 真宗咸平五年四月詔三司
取天下戶口數置籍較定以聞 景德四年七月權三司使丁謂言戶部
景德三年新收戶三十三萬二千九百九十八流移者四十一萬五千
舊管七百四十一萬七千五百七十八戶六百二十八萬二千五百十四
口比咸平六年計增五十三萬三千四百一十戶二百萬二千二百一十
四口賦入總千三百七十三萬一千二百二十九貫石匹斤數比咸平六
年計增三百四十六萬五千二百九十竊以版圖之役生齒畢登所以一
租庸調衆寡前朝丁黃之數悉載縑緡五代已來舊章多廢兆國家幅員
萬里阜成兆民惟國史之闕書由有司之曠職今以景德三年民賦戶口
之籍較咸平六年具上史館欲望特降詔旨令自今以咸平六年戶口賦
入為額歲較其數以聞庶使國典有憑方可來仰從之 九月詔諸路所
供升降戶口自今招到及初居戶委的開落得帳上荒稅合該升降即撥
入並戶供申內分煙柵生不增稅賦及新收不納稅浮居客戶並不得虛
計在內方得結罪保明申奏陞降 大中祥符二年六月頒嘉州縣官

招携戶口旌賞條制 四年正月四日詔諸州縣自今招來戶口及創居
入中開墾荒田者許依格式申入戶籍無得以客戶增舊制縣吏能招增
戶口縣即申著乃為其俸給至有所客戶者雖登于籍而賦稅無所增入
故條約之 天禧三年十二月命部官員外郎苗植與知河南府薛田同
均定本府坊郭居民等從戶部尚書馮拯之請也 四年十二月詔諸升
降戶口每年正月具新收人戶所增稅賦句磨訖結罪申三司 神宗熙
寧六年十月十二日時上論及天下戶口之數王安石等奏曰戶口之盛
無如今日本朝太平百年生民未嘗見兵革昨章惇定湖南保甲究見戶
口之衆數倍前日蓋天下舉皆類此上曰累聖以來咸以愛為心既未嘗
有征役又無離宮別館繕營之事生齒蕃息蓋不足怪 哲宗元祐六年
八月二十八日三省言諸路戶口財用雖戶部每年考會總數即未有此
較進呈之法復不知民力登耗財用足否今立定式令諸州每年供具以
次年正月申轉運司本司以二月上戶部本部候到於半月內以次上尚
書省三省類聚進呈違者杖一百從之 徽宗大觀三年正月二十一日
戶部侍郎吳擇仁言地官之職掌戶口版籍寔賦稅力役之所自出民事
之先務也今承平日久生齒繁庶而天下所上因仍舊籍畧加增損具文

而已戶口登耗無由盡知乞自今歲具增減寔帳每路委監司一員類聚
上戶部置籍銷注從之 政和三年四月二十五日詳定九域圖志纂攸
何志同言伏見本所取會到天下戶口數類多不寔且以河北二州言之
德州主客戶五萬二千五百九十九而口總六萬九千三百八十五霸州
主客戶二萬二千四百七十七而口總三萬四千七百一十六通二州之
數率三戶四口則戶版初隱不待校而知乞詔有司申嚴法令仍選委逐
路監司別作審覈務在得寔保明供報詔令逐路提刑審括寔數聞奏
八月九日淮南路轉運副使徐閔中言九域志在元豐間主客戶共一千
六百餘萬大觀初已二千九百一萬乞詔諸路應奏戶口歲終再令提刑
提舉常平司叅攷同保奏從之 六年七月二十日戶部言淮南轉運司
中政和格知通令佐任內增收漏戶一千至二萬戶賞格一縣戶口多者
止及三萬脫漏難及千戶少得應賞之人錄此不盡心推括者詳令佐任
內增收滿戶八百戶升半年名次一十五百戶免試三千戶減磨勘一年
七十戶減磨勘二年一萬二千戶減磨勘三年知通應所管縣通理比令
佐加倍從之 高宗皇帝紹興三年十月六日尚書禮部員外郎舒清國
言諸路殘破州縣乞以戶口增否別立守令考課之法分為上中下三等

每等又分為三置籍比較縣令課績知通考之知州課績監司考之考功會其籍而較其優劣凡賞格用見行條法賞格之最優者其再考在上等之上者除依格推賞外任滿日知州優加權用縣令與升權差遣下等取旨責罰從之 五年六月二十八日荆湖北路轉運司提刑司言權鄂州江夏縣呂大周任內招復戶口增及九分乞依格推賞詔改合入官餘路依此 七月二十三日吏部言權通判岳州王嘉言申兵火之後全在官吏招集流移乞將州縣最親民官初到任日據見存戶口二稅批上印紙候任滿日再據戶口二稅批鑒罷任內招誘戶口二稅增加者書為_在課最別有遷擢若任內不能招誘戶口二稅或復有減少者書為課殿亦實憲典從之 八月十六日都督行府言湖北淮南自兵火之後百姓流亡田多曠土令佐招誘增虧已有立定殿最賞罰欲今後守令到任一年雖缺到任酬賞若不會招誘人民歸業雖有而不及分數者不在保明推恩之限仰監司常加遵守從之 六年十二月二十一日提點淮南兩路公事張成憲言契勘淮南守令賞典重疊遂啓僥冒之弊欲望將守令成增戶口并墾田土及知縣任滿墾田酬獎併入任滿賞格乞量與增重展革冒賞詔淮南守令開墾田土增招戶口即從一重推恩 七年五月七

便示辨

日比部負外郎薛徽言欲望明飭有司稽考州縣丁帳覈正文籍死亡生長以時書落歲終縣以下之數上州州以縣之數上漕以部之數之上之戶部戶部合天下之數上之朝廷環破之處計登耗而為之賞罰其重困之由願講明之其傷殘之法願申嚴之從之 十一月十六日進呈李誼論戶口劄子乞詢求所以惠民而去其害民者上謂曰此亦今日先務大要欲戶口滋息須寬民力須免得科敷如向來造成官綱造成官綱遂免人戶出水脚錢如此庶幾寬惠及民必不得已有所科率亦須明降指揮使上下曉然知其多寡之數更不得並緣為姦矣若乃避科率之名且朝廷下諸路監司監司下諸州州下諸縣一切趨便遂致過數倍歛無從檢察民愈被害不可不慮也 十三年九月十六日太府寺丞張子儀言親民之官莫若守令戶口登耗之責守令之先務也乞於新復舊州縣精選守令以戶口復業登耗重為陞黜之典仍委監司覆覈以嚴課最詔令准東南西路監司歲終取州縣所增戶口以聞 二十六年三月十六日權發遣光州會稽言淮南邊郡雖無甚興造至如修葺官宇補治城壁其他種種雜作舊時被驅役街市小民一日失業則一日不食比數年以來尚俸豐稔顧應米麥稍賤不肖它之若歲小不登復因科役則皆提攜而去

本奏首書
聖意一條移
寫此

矣如此則戶口日益凋疎伏望嚴立法禁應沿邊州縣不得差科百姓工役若尚敢循習令監司帥臣按劾從光州曾惇之請也 壽皇聖帝乾道二年五月九日臣僚言兩浙路去年百姓以疾疫死亡以饑餓流移者至多州縣丁籍自應虧減今年開收所宜從寬切聞州縣至今往往未嘗申聞銷豁按籍而推尚仍故目誠慮將來以年未及之人籍為成丁或容計所虧之額多取之於見存之人或仰令保正長合力償備乞下兩浙州縣覆覈流移死亡丁數保明申上權行倚閣候流移歸業中小成丁漸次增補從之 十月十八日戶部言準令每歲具冊進呈天下戶口租稅課利數目秋季以聞如未到展限至冬季若不足先具已到路分進呈本部自去年十二月內預行檢舉催促除兩浙淮南成都府夔州利州路申到戶口兩浙淮南東西路申到稅租兩浙夔州淮西路申到課利帳狀外其餘路分並未申到見行督責委於秋季撥造進呈未得乞展限至冬季具已到路分撥造進呈從之 七年九月十六日知隆興府龔茂良言已降指揮本路帥臣監司將阜陽州縣令精加審量竊謂朝廷既下審量之令以謹其始宜有殿最之法以覈其終然後為官吏者不敢從事文具乞取將來戶口登耗以為守令殿最而升黜之又諸縣戶口各有版簿欲併老幼

丁壯無家女根括記籍帥臣監司總其寔數明諭州縣自今以始至
來歲賑濟畢事之日按籍比較戶口登耗若某縣措置有方戶口仍舊即
審寔係奏優加遷擢若某縣所行戾乎戶口減少則按劾以聞重行黜責
推而廣之以稽一郡之登耗議守臣之賞罰則殿最分明官吏聳動自此
立為成法舉而措之天下亦可以為異時荒政之備詔依仍將已流移人
與見在戶口通行置籍務令得寔將來比較殿最其餘早傷去處依此仍
先次開具已流移人并見在戶口申三省樞密院以上乾道會要